

## John wenazhu xègoèht'ì

### *Yati t'akwelòò xàyaeti*

<sup>1</sup> Zezi-Krì edecheekeè ayì ghàgùdà agòòlàa sù dū enìhtl'è k'e dek'eèhtl'è họt'e. Nòhtsì-Gotà ìdaà dàgode ha sù wegodi Zezi ghàìzọ họt'e. Zezi wecheekeè dū godi gik'èezọ ha t'à, edeyak'eet'ù John ts'ọ ayìlà. <sup>2</sup> John t'asì hazọọ ya?ù sù yeghọ goide. Nòhtsì weyatì eyits'ọ Zezi wegodi ghọ goide. <sup>3</sup> Dū godi ìdaà dàgode ha sù weghọ họt'e. Ami dū godi k'eyahtì sù wexè sìghà họt'e. Eyits'ọ ami yìkw'o xè weggha ehkw'ì-ahodi sù wexè sìghà họt'e. Ìdaà dàgode ha sù hòt'a wets'ọ hawe họt'e.

### *Weghàsọts'eedi*

<sup>4</sup> John, Asia nèk'e kòta lòhdì yàgòlāa Nòhtsì wecheekeè nàgedèe sù dū godi gots'ọ ìt'è:

Nòhtsì whaà gots'ọ wehòhọ, dū wehòhọ, eyits'ọ welọ while ts'ọ wehòhọ ha sù, eyits'ọ ìni degai lòhdì Nòhtsì wenadaà nàgeèhza sù naxìxè sọgùwọ welè eyits'ọ naxìxè sìghà hòzọọ agule.

<sup>5</sup> Eyits'ọ Zezi-Krì naxìxè sọnìwọ welè eyits'ọ naxìxè sìghà hòzọ welè. Edeđì sù t'aats'ọọ ehkw'ì gode họt'e. Edeđì t'akwelòò nàidāa elì eyits'ọ dū nèk'e k'àowocho hazọọ gogha k'àowodeè elì họt'e.

Goghòneètọ ts'ìhọ wedoò xàit'ì t'à gohòhì goghọ nahoazhaà ayìlà họt'e. <sup>6</sup> Wetà Nòhtsì gha eghàlats'eeda ha t'à, dọ ìhè lats'ùt'e xè yahtì ts'ùlì agòòlā. Zezi-Krì weghàsọts'eedi eyits'ọ welọ while ts'ọ k'àowocho nàtso welè! Amen. <sup>7</sup> Ìdòò k'eaht'ì, k'oh k'e gots'ọ nìtla ha. Dọ hazọọ gezi ha. Dọ

behkà t'à gighahkoo sì ededı kò geɔ̀ ha. Eyits'ò dı nèk'e dọ hazọ̀ wets'ihɔ̀ geejı xè getse ha. Hanì hòɔ̀ wèlè! Amen.

<sup>8</sup> Gots'ò K'àowo Nòhtsı dı hadı họt'e: “Yatı t'akwelò̀ wheɔ̀ aht'e eyits'ò yatı nọ̀de wheɔ̀ aht'e. Whaà gots'ò sehòhɔ̀, dı sehòhɔ̀, eyits'ò welọ̀ whìle ts'ò sehòhɔ̀ ha. T'ası wı̀zı segha dı gòhı nıle,” gots'ò hadı.

### *Dọ wet'aaɔ̀a deè*

<sup>9</sup> Sı sì nèt'ı John aht'e. Naxıèht'eè Zezi wedahxà ts'èwhı daehɔ̀, eyits'ò naxıèht'eè Nòhtsı wenàowoò k'èè ehda. Nòhtsı weyatı eyits'ò Zezi wegodı t'à gohde ts'ihɔ̀ dı dzeè k'e dı Patmos gòyeh k'e whıhda họt'e. <sup>10</sup> Nòhtsı Dzeè k'e Yedayeh Nezi sets'ò ajà. İdè sechıht'a dechıshı t'à hòt'ò gots'edeè lagodı, <sup>11</sup> dı hats'edı họt'e: “Nenazhu dàgot'ı sì enıht'è k'e dek'enıht'è gà kòta lòhdı Nòhtsı wecheekè nàgedè sì gıts'ò anele. Dı kòta lòhdı họt'e: Ephesus, Smyrna, Pergamum, Thyatira, Sardis, Philadelphia eyits'ò Laodisiya,” hats'edı họt'e.

<sup>12</sup> Amı sets'ò godee sì wets'ò ets'aèhtı ek'ò ek'aèk'òchı lòhdı sọ̀mba-dekwo t'à hòl'ı weyı t'eh dèk'ò̀ nàweɔ̀ nọ̀. <sup>13</sup> Ek'aèk'òchı weni dọ nàwo, “dọ wet'aaɔ̀a deè” lanı wègaat'ı. Ƴeh nedèe wekè ts'ò hahdo yı wheda, eyits'ò ɔ̀eht'ı sọ̀mbaekwo lanı wedzıwı te nawhet'ı. <sup>14</sup> Wekwı eyits'ò wekwıghà nahzha degoo lanı, hotı zah lanı, eyits'ò wedaà kò dèk'ò̀ lanı wègaat'ı. <sup>15</sup> Kò dèk'ò̀ nı wekè satsò dekwo wek'e saıdı lanı wègaat'ı. Gode nıdè tı nàıı lagodı. <sup>16</sup> Nàgòts'ehneè ts'ò edılà t'à whò lòhdı dayele, eyits'ò wewà gots'ò

behcho wek' à ìl̩a-ts' ò dènn̩ xàìṛa. Wìnì sadeè nàtsoo lanì wègaat'ì.

<sup>17</sup> Weehṛì ekò wekè gà nàehkw'o, dọ eḷaṛwo lahjà. Nàgòts'ehnnè ts'ò edilà sek'e ayìl̩à, hadì, “Dìj̩j̩-le. S̩ì s̩ì yatì t'akwelòò wheṛṛṛ eyits'ò yatì nṛṛṛṛ de wheṛṛṛ aht'e. <sup>18</sup> S̩ì s̩ì ehda hṛt'e. Eḷaṛhwo ìl̩è hanìkò d̩ì welò while ts'ò ehda hṛt'e. Dọ eḷaṛdèe nèk'e gha ladlì k'èhdì.

<sup>19</sup> “Eyit' à ayì ghàìdaa s̩ì dek'enìt̩t'è. D̩ì dàgode ha eyits'ò ìdaà dàgode ha s̩ì dek'enìt̩t'è. <sup>20</sup> Whò l̩òhd̩ nàgòts'ehnnè selat' àa whelaa eyits'ò ek'aèk'òch̩ì l̩òhd̩ s̩ṛṛṛṛbaekwo t' à hòèl̩ s̩ì d̩ì awèts'edi hṛt'e: Whò l̩òhd̩ s̩ì k̩ṛta l̩òhd̩ N̩ṛts̩ wecheekeè nàgedèe s̩ì g̩yak'èet' ìj̩ gha hṛt'e, eyits'ò ek'aèk'òch̩ì l̩òhd̩ s̩ì k̩ṛta l̩òhd̩ N̩ṛts̩ wecheekeè nàgedèe s̩ì gha hṛt'e.

## 2

### *K̩ṛta Ephesus N̩ṛts̩ wecheekeè g̩ts'ò aat'è*

<sup>1</sup> “K̩ṛta Ephesus N̩ṛts̩ wecheekeè nàgedèe s̩ì d̩ì yatì g̩ts'ò yak'èet' ìj̩ ts'ò ìt̩t'è:

“Eded̩ nàgòts'ehnnè whò l̩òhd̩ welat' àa whela xè ek'aèk'òch̩ì l̩òhd̩ ta k'etl̩oo s̩ì d̩ì weyatì hṛt'e:

<sup>2</sup> “Dànì aahdaa s̩ì naxìk'èehs̩ṛ hṛt'e. Segha hòt'ò eghàlaahda eyits'ò hòila kò segh̩ naxìnì nàtso wek'èehs̩ṛ hṛt'e. Dọ hòl̩ k'èè geedaa s̩ì g̩xè aahṛ-le naxìk'èehs̩ṛ. Eyits'ò dọ hògets'ì t' à N̩ṛts̩ wecheekeèdèe ats' ìt̩t'è ged̩ s̩ì g̩ahdzà t' à ehkw'ì aged̩-le g̩gòahṛṛ hṛt'e. <sup>3</sup> S̩uzì ts'ìhṛṛ s̩ì naxìgha hòila, hanìkò ìl̩à segha naxìnì nàtsoo xè segh̩ n̩ahtsṛṛ aahjà-le.

4 “Hanikò t'asì ìlè naxík'e nìdahoehʔà: T'akweìòò dànì seghòniahtò k'èè seghòniahtò-le aahjà. 5 Dagoòwà dahkw'e ìlè wenaahdì, hanikò eyì gots'ò hodàahde họt'e. Edek'eahhì xè t'akweìòò dànì eghàlaahda ìlè sù ts'ò anaahde. Edek'eahhì-le nìdè naxìts'ò ehtla gà naxìts'ò k'aàk'òchì naxìghò neèhchì ha. 6 Hanikò t'asì ìlè segha nezù aaht'ì: Nicolaitan gùlù dàget'ù sù wedzaahwhò họt'e, sù sù eyì wedzaehwhò họt'e.

7 “Amì wedzì gòhù sù Yedàyeh Nezzù Nòhtsì wecheekeè dàgòhdù sù gùkw'o welè. T'aa hòhù ghò hoehnèe sù ts'ì wet'à ts'eedaa gots'ò shètù awehè ha. Eyì ts'ì sù Nòhtsì wets'ò hòzì-nèk'e nàìza họt'e.

### *Kòta Smyrna Nòhtsì wecheekeè gùts'ò aat'è*

8 “Kòta Smyrna Nòhtsì wecheekeè nàgedèe sù dù yatì gùts'ò yak'eet'ù ts'ò ìt'è:

“Dù yatì sù amì t'akweìòò elù eyìts'ò nòode elù sù weyatù họt'e. Ełajwo ìlè eyìts'ò k'achì nàidà họt'e. 9 Dànì naxìxè hoìla xè eteah'ù sù naxìk'èehsò, hanikò dọ ahxee aahhì họt'e! Dọ xàè Israel got'ù ats'ùt'e gedù sù naxìzì jù gehtsì wek'èehsò. Hanikò xàè Israel got'ù agùt'e nùile, wehù wecheekeè agùt'e. 10 Whaà-le-t'ù ayì t'à daahza ha sù weghò dahjì-le. Ehkw'ì anaxèehsì, wehù naxeèhdzà ha nìwò t'à dọ-danìlala-kò ts'ò anaxele ha họt'e. Hoònò dzèè ts'ò danaxegùhza ha. Naxìweè hogehtsì kò naxìnì nàtsòò aahè. Wek'èxa welò while ts'ò ts'eedaa naxìghàehzà ha.

11 “Amì wedzì gòhù sù Yedàyeh Nezzù Nòhtsì wecheekeè dàgòhdù sù gùkw'o welì. T'aa hòhù

ghoehnèe sù nàekeè t'à ɛ̀laàts'ewu sù t'à daɪza ha-le.

*Kòta Pergamum Nòhtsɪ wecheekeè gɪts'ò aat'l'è*

<sup>12</sup> “Kòta Pergamum Nòhtsɪ wecheekeè nàgedèe sù du yatɪ gɪts'ò yak'eet'ɪ ts'ò ɪt'l'è:

“Edeɪ behcho wek'à ɪ̀la-ts'ò dènu wets'ò sù eyɪ weyatɪ hòt'e. <sup>13</sup> Edɪ nàahdèe sù wek'èehsɔ; edɪ wehɪ wedaèhchɪcho whetɔɔ eyɪts'ò edɪ nàdèe sù ekɔ nàahdè hòt'e. Hanikò ɪ̀laà naxɪgha ehkw'ɪ-ahodɪ. Sek'èahsɔ-le dahɪ nuile. Secheekeè Antipas t'aats'òò segha gode elɪ ɪ̀lèe sù we-naahdɪ. Naxɪkòta ɛ̀laàwìgwo kò ɪ̀laà seghɔ naxɪnɪ nàtso ɪ̀lè.

<sup>14</sup> “Hanikò t'asɪ mòhdaa naxɪk'e nìdahoeɦzà ha: Naxɪnɪ dɔ mòhdaa Balaam wenàowoò k'èè dɔ hoghàgogeehtɔ. Eyɪ dɔ sù Israel got'ɪ hòɪ hogehɪtsɪ gha k'àowo Balak hoghàehtɔ ɪ̀lè. T'asɪ nòhtsɪɔ hòèlɪ ghàgeedɪ sù gedè agohzɪ, eyɪts'ò edezhɪ t'à hòɪ k'alagedè agohzɪ. <sup>15</sup> Eyɪts'ò naxɪnɪ dɔ mòhdaa Nicolaitan gɪlɪ gɪnàowoò gɪgha ehkw'ɪ-ahodɪ. <sup>16</sup> Eyɪt'à edek'eahɪ! Edek'eahɪ-le nɪdè whaà-le-t'ɪ naxɪts'ò ehtɪ gà behcho sewà xàɪza t'à nàgeeht'l'ɪ ha.

<sup>17</sup> “Amɪ wedzɪ gòhɪ sù Yedàyeh Nezu Nòhtsɪ wecheekeè dàgòhdɪ sù gɪkw'o welɪ. T'aa hòɪ ghoehnèe sù ‘Manna’ dezɪ whezɔɔ sù weghàehdɪ ha. Eyɪts'ò kwe degoo k'e wɪzɪ gòò dek'eèht'l'èe sù weghàehzà ha. Amɪ eyɪ weghòt'òɔ sù ededɪ zɔ yek'èezɔ ha.

*Kòta Thyatira Nòhtsɪ wecheekeè gɪts'ò aat'l'è*

<sup>18</sup> “Kòta Thyatira Nòhtsɪ wecheekeè nàgedèe sù du yatɪ gɪts'ò yak'eet'ɪ ts'ò ɪt'l'è:

“Dii yatı sù Nòhtsı Weza weyatı họt'e. Ed-edı sù wedaà kò dèk'òq lanì eyıts'q wekè satsò dekwoo wek'e saıdı lanì họt'e. <sup>19</sup> Dàni aahdaa sù naxık'èehsò. Ełeghòniahtq xè naxıgha ehkw'i-ahodı họt'e. Ełets'adaahdı eyıts'q hoıla kò naxını nàtso họt'e. Eyıts'q t'akwelòò secheekè whahhı nahk'e hanì eghàlaahda họt'e.

<sup>20</sup> “Hanikò t'ası ıè naxık'e nıdahoeɦà: Eyı ts'èko Jezebel nakwenàòzòq edèedu sù nàweahzò nıile. Secheekè hoghàgoehtq t'à ts'ızò geède, edezhı t'à hoıı k'alagedè eyıts'q t'ası nòhtsıà hòèıı ghàgeedu sù gedè agohı. <sup>21</sup> Eyı ts'èko hoıı nàowoò k'èè eghàlaedaa sù edek'eelı ha weghàhòehzò ıè, hanikò hanıwò-le. <sup>22</sup> Eyıt'à tàda t'à eyaelı awehıe ha, eyıts'q amı yexè hoıı hogehtsı sù eyı ts'èko wenàowoò ghò edek'egıı lenqsı hòt'ò dagızaà agehıe ha. <sup>23</sup> Ts'èko wecheekè hazòò ełààgehde ha. Hanı-ıdè Nòhtsı wecheekè hazòò dòdzeè yı eyıts'q dònı yı k'eeht'ı aht'e sek'ègeezò ha. Eyıts'q naxıhoıı k'èxa naxık'eehkwa họt'e sek'ègeezò ha. <sup>24</sup> Nòhtsı wecheekè eyı-le kòta Thıyatıra nàgedè sù gıts'q yatı nèehà ha. Eyı ts'èko wek'èè eghàlaahdale eyıts'q wehıı wenàowoò weghàdeahzò-le. Dò mòhdaa eyı nàowo gıgha wet'aaà t'à dò gıghàdeetq ha gıwò. Naxı eyı nàowo dahwhò-le sù diı yatı naxıghàehzò, (wezòò t'ası naxıgha dezhi sù ts'ò naxeehza ha-le): <sup>25</sup> Naxıts'ò nèehtıa gots'ò seghò naxını nàtsoo sù hotıı wek'èahdı.

<sup>26</sup> “T'aa hoıı ghòehnè eyıts'q nòode ts'ò sek'èè edaa sù dò hazòò xàzaa ts'ò k'àowoò awehıe ha.

<sup>27</sup> ‘Ededı sù satsò-geh t'à gıgha k'àowocho nàtsoo

elì ha, nàgòèhtl'ì xè kwetọ yetaezhì lagole ha.'  
Setà ededahxà k'àowo ehłì asjìlà lanì, ededì sì  
sedahxà k'àowo elì awehłe ha.

<sup>28</sup> “Eyits'ọ whò-k'eàhkaa weghàehzà ha.

<sup>29</sup> Amì wedziì gòhłì sì Yedàyeh Neziì Nòhtsì  
wecheekeè dàgòhđì sì giìkw'o welè.

### 3

#### *Kòta Sardis Nòhtsì wecheekeè gits'ọ aat'è*

<sup>1</sup> “Kòta Sardis Nòhtsì wecheekeè nàgedèe sì dđì  
yatì gits'ọ yak'eet'ì ts'ọ ìt'è:

“Ededì Nòhtsì wets'ọ ìnì degaì lòhđì eyits'ọ  
whò lòhđì welat'aa whelaa sì dđì weyatì  
hòt'e: Dànì aahdaa sì wek'èehsọ, dọ neziì  
aahda naxeguhwhọ hanìkò dọ ełajdèe laaht'e.

<sup>2</sup> Ts'iahdè! Ayì naxìghọ ełàawì ha nìkw'oo sì  
nàtsoò aahłe. Nòhtsì wek'èè deghàa eghàlaahda  
nìle wek'èehsọ. <sup>3</sup> Eyit'à ayì naxìghòt'ọ eyits'ọ  
ayì aàhk'oo sì wenaahđì. Eyì yatì wek'èaht'e  
xè edek'eahłì. Ts'iahdè-le nìdè eeziì-dọ lanì  
naxìnaàhtọ naxìts'àhtłà ha. Ayì sadzeè k'e  
naxìts'àhtłà ha sì wek'èahsọ ha nìle.

<sup>4</sup> “Hanìkò dọ lọ-lea kòta Sardis nàgedèe sì hołì  
t'à edegoht'ọ tsìgihwho-le. Edegha hogeèhnọ  
ne t'à goht'ọ degoo t'à-aget'ì xè sexè k'egedè  
ha. <sup>5</sup> T'aa hołì ghọehnèe sì eyì lanì goht'ọ de-  
goo yì geèhk'we ha. Nìht'è k'e dọ welọ whìle  
ts'ọ geeda gha guzì dek'eèht'èe sì gots'ọ guzì  
ejinahwha ha-le, hanìkò Setà wenadađ eyits'ọ  
yak'eet'ì gìnadađ eyì dọ wek'èehsọ dehsì ha.

<sup>6</sup> Amì wedziì gòhłì sì Yedàyeh Neziì Nòhtsì  
wecheekeè dàgòhđì sì giìkw'o welè.

*Kòta Philadelphia Nòhtsɿ wecheekeè gɿts'ò aatl'è*

<sup>7</sup> “Kòta Philadelphia Nòhtsɿ wecheekeè nàgedèe sɿ dɿ yatɿ gɿts'ò yak'eet'ɿ ts'ò ɿtɿ'è:

“Ededɿ degaɿ xè ehkw'i elɿ sɿ dɿ weyatɿ hɔt'e. Ededɿ sɿ k'àowocho David weladɿ k'èdɿ elɿ hɔt'e. Ayɿ ts'òdaà xàedee sɿ dɔ wɿzɿ yedaede ha dɿ hɔt'e, eyɿts'ò ayɿ yedaedee sɿ dɔ wɿzɿ yets'òdaà xàede ha dɿ hɔt'e. <sup>8</sup> Dàni eghàlaahdaa sɿ wek'èehsɔ. Aàhkw'ò, naxɿnadaà enìxàtɔ ahlà eyɿts'ò dɔ wɿzɿ enìyeechi ha dɿ. Nàahtso-le naxɿk'èehsɔ, hanìkò seyatɿ k'èahdɿ hɔt'e eyɿts'ò sek'èahsɔ-le dahdɿ nùle. <sup>9</sup> Eyɿ dɔ wehɿ wecheekeè agɿt'ee sɿ naxɿnadaà nàgògehge agehlè ha. Naxɿghònehtɔ hɔt'e gɿk'èezɔò agehlè ha. Israel got'ɿ agɿt'e-le kò xàe 'Israel got'ɿ ats'ɿt'e' gedɿ t'à hogets'ɿ-dòò agɿt'e. <sup>10</sup> Senàowoò k'èahdɿ eyɿts'ò ts'èwhɿ daahza t'à hazòò dɿ nèk'e dɔ xè hoila agode ha sɿ ch'à naxɿk'èhdɿ ha. Dɿ nèk'e dɔ hazòò nàdèe sɿ hoila t'à geèdzà ha.

<sup>11</sup> “Whaà-le-t'ɿ naxɿts'ò ehtla ha. Seghò naxɿnà nàtsoo sɿ hotɿ wek'èahdɿ, hanì-ɿdè edegha t'asɿ deahnòò sɿ dɔ wɿzɿ naxɿghò neyɿwa ha-le. <sup>12</sup> T'aa hoɿ ghòehnèe sɿ Nòhtsɿkò-gocho goyɿ kwe nàtsoo nàɿza elɿ awehlè xè t'aats'òò ekò wehòhɔò ha. Nòhtsɿ wɿzɿ eyɿts'ò Nòhtsɿ wekògodeè wɿzɿ wek'e dek'eèht'è ha. Eyɿ kògodeè wegòò sɿ Jerusalem wiyeh; Nòhtsɿ yak'e gots'ò ɿzhɿ adeè ayele ha. T'aa wɿnà nàtsoo sɿ sɿzɿ wegòò wek'e dek'enèeht'è ha. <sup>13</sup> Amɿ wedzɿ gòhɿ sɿ Yedàyeh Nezɿ Nòhtsɿ wecheekeè dàgòhdɿ sɿ gɿkw'o welè.

*Kòta Laodistya Nòhtsɿ wecheekeè gɿts'ò aatl'è*



14 “Kòta Laodısıya Nòhtsı wecheekè nàgedè sù dı yatı gıts'ò yak'eet'ıı ts'ò ııt'è:

“Ededı ‘Amen’ wıyeh, t'aats'òò ehkw'ı gode eyıts'ò Nòhtsı t'ası hazòò whehtsı ts'ò K'àowo elı sù dı weyatı họt'e. 15 Dànı eghàlaahdaa sù wek'èhsò, segha whek'òò eyıts'ò whekòò laah't'e-le. Eyı nàke sù ııè ààhchı nıdè dehwhò. 16 Eyıt'à segha tı whekòò eyıts'ò tı whek'òò laah't'e-le. Ekı tı yaazea whekòò laah't'e t'à sewà gots'ò xànaaxehsè ha. 17 ‘Ahxee ats'ııt'e,’ edèahdı, ‘T'ası lò gots'ò t'à t'ası wets'ııwò gòhı-le,’ dahdı, hanıkò naxıxè gots'eèdı, eteah't'ı, naxıdaà goıle xè goht'ò dè dahkw'e họt'e, wek'èahsò-le nı? 18 Sòòmbaekwo kò-dèk'òò t'à wedeèdıı adlää sù seghò nàahdı nıdè ahxee aahı ha. Goht'ò degoo seghò nàahdı, hanı-ıdè goht'ò dè edeghò ıızhaahı ha-le, eyıts'ò godaàtleè seghò nàahdı, hanı-ıdè k'eah't'ı ha.

19 “T'aa gıghònehtò sù hoıı hगेhtsı nıdè nàgeehòò xè nezıı geeda gha hoghàgeehtò họt'e. Eyıt'à ehkw'ı nàıahdè xè edek'eahı. 20 Jò tıdà nàhwo xè enıtò ts'aht'ı; amıı sıkw'o t'à sets'ò enıàechı nıdè wegà goyaehtıa gà wexè shètı ha, eyıts'ò ededı sı sexè shètı ha.

21 “T'aa hoıı ghòehnè sù sedaèhchıcho k'e segà whedaà awehıe ha. Sı hoıı ghòehnò t'à Setà wedaèhchıcho k'e wegà whıhdaà asııdłà họt'e. 22 Amıı wedzıı gòhıı sù Yedàyeh Nezıı Nòhtsı wecheekè dàgòhdı sù ııkw'o welè.”

## 4

*Yak'e daèhchıcho whetò*

1 Eyɪ tʰaxòò ɪdòò k'eeht'ì là senadaà yak'e enìtò enìxàike. Amì t'akweìòò sets'ò gode ɲlèe sù dechìshì dedì lanì k'achì sets'ò gode, hadì, “Ìdaà dàgode ha sù weghàidaà anehle ha t'à, jò ts'ò dekùtla,” sèhdì. 2 Ekòet'ù Nòhtsɪ wets'ò ɪnì Degai sexèhdì t'à senadaà yak'e daèhchìcho whetòò eyits'ò wek'e ts'edaa segha wègoèht'ì. 3 Eyɪ daèhchìcho k'e whedaa sù sòòmbakweè lanì wek'e saɪdì. Daèhchìcho wemòò k'àlemjì nawhet'ì. Eyɪ k'àlemjì sù kwe ɪt'ò wèdaat'ɲ lanì wek'e saɪdì. 4 Eyɪ daèhchìcho wemòò daèhchìcho naènò-daats'ò-dì whela. Qhdah naènò-daats'ò-dì gɪk'e dèhkw'e. Goht'ò degoo yì geèhkw'e eyits'ò sòòmbaekwo kwit'ù gɪk'e whela. 5 Daèhchìcho whetòò gots'ò kò nait'ì, eezhù dèekw'ò xè hòtsaa eezhù xèeta lagodì. Daèhchìcho wenadaà tleèk'òò lòhdì wekò nàtsoo wègaat'ì; eyɪ sù Nòhtsɪ wets'ò ɲnì lòhdì agùt'e. 6 Eyits'ò daèhchìcho wenadaà tì nechàa lanù whehtòò wègaat'ì, eja lanì wenùdaà xègaat'ì.

Eyɪ tanì daèhchìcho whehtòò wemòò t'asì dì godì dèhkw'e, gidaà lò gɪk'e whela; gɪwèdzò gidaà whela eyits'ò gichìht'a sù gidaà whela. 7 Eyɪ t'asì godì t'akweìòò sù gojìcho lanì wègaat'ì, yek'èè whedaa sù ejie lanì wègaat'ì, tai t'à whedaa sù dò winì lanì wègaat'ì, eyits'ò dì t'à whedaa sù det'òcho naat'aa lanì wègaat'ì. 8 Eyɪ t'asì dì godì sù gùts'òò ek'ètai gòhì eyits'ò hazòò ts'ò gidaà gɪk'e whela, gùts'òò wet'ì a kò gidaà whela. Dzeè, toò ehk'èè dù hagedì:

“Gots'ò K'àowo t'asì wegha dùi-le sù degai, degai, degai zò hòt'e.

Nòhtsɪ hòt'e; whaà gots'ò wehòhò, dùi wehòhò,

eyits'q welq while ts'ò wehòhʔq ha hq̄t'e,"  
t'aats'qò hagedi.

<sup>9</sup> Eyit'à eyi t'asii dɪ godii sii amii daèhchɪcho k'e whedaa, welq while ts'ò wehòhʔq sii gɪghàsɔedɪ xè masi giuhdi. Haget'ɪ taat'eè, <sup>10</sup> qhdah naènq-daats'ò-dɪ sii eyi daèhchɪcho k'e whedaa ts'ò nàgògehge eyits'q welq while ts'ò wehòhʔq sii ghàsɔgeedɪ. Edets'q sòmbaekwo kwit'ii eyi daèhchɪcho nadaq̄ nègewa xè hagedi,

<sup>11</sup> “Gots'ò K'àowo Gonòhtsɪ,

t'asii hazqò wheq̄htsɪ ne t'à eniiyah xè neghàsɔts'eedii sii nɪ zq̄ nets'ò hats'edɪ ha hq̄t'e eyits'q t'asii hazqò ts'ò k'àɪwo welè.

Hani welè neewq̄ t'à t'asii hazqò hòèlɪ xè geeda hq̄t'e,” gedi.

## 5

### *Enɪhtl'èyèè eyits'q sahzòq*

<sup>1</sup> Eyɪ daèhchɪcho k'e whedaa sii nàgòts'ehnèè ts'q enɪhtl'èyèè dayeʔa. Eyɪ enɪhtl'è ɪla-ts'ò wek'e aat'èè eyits'q lòhdɪ ts'ò wedaàdzeh. <sup>2</sup> Yak'eet'ɪ nàtsoo ɪlè hòt'ò dɪ hadɪ, “Amii eyɪ enɪhtl'èyèè lòhdɪ ts'ò wedaàdzeh sii yets'qdaà xàehdlà ha edegha hoèhnq̄?” hadɪ. <sup>3</sup> Hanikò yak'e, dɪ nèk'e eyits'q dèè got'ɪa ts'q t'asii godii wɪzɪ eyɪ enɪhtl'èyèè yets'qdaà xàehdlà gà yek'eyahtɪ ha gòhɪ-le. <sup>4</sup> T'asii godii degaɪ elɪ sii eyɪ enɪhtl'èyèè ts'qdaà xàehdlà gà yek'eyahtɪ ha sii gogihʔa ha dɪ t'à, sii utsè. <sup>5</sup> Eyit'à qhdah naènq-daats'ò-dɪ gots'q ɪlè sets'ò hadɪ, “Netse-le. ‘Judah got'ɪ ts'q goɪɪɪcho’ wiyeh sii eyits'q ‘David wets'q ts'ɪghòochɪ’ wiyeh sii hoèhnq̄ hq̄t'e. Ededɪ sii eyɪ enɪhtl'èyèè lòhdɪ

ts'ò wedaàdzeh sù yets'òdaà xàehdlà ha weghàhòt'ò họt'e," sèhdi.

<sup>6</sup> Eyì t'axòò Sahzòà ełààwìgwo lanì wègaat'ì, eyì daèhchìcho gà tanì nàwo. Wemòò t'asì dì godì eyìts'ò ọhdah naènọ-daats'ò-dì nàgeèhza. Eyì sahzòà wek'e edè lòhdì gòhì eyìts'ò wedaà lòhdì gòhì. Eyì sù Nòhtsì wets'ò inì degai lòhdì dui nèk'e hazòò ts'ò adlàa sù agùt'e. <sup>7</sup> Eyì sahzòà amì daèhchìcho k'e whedaa sù ts'ò ehtla gà eyì enìht'èyèè nàgòts'ehnéè ts'ò dayeɔaa sù neyìchì. <sup>8</sup> Sahzòà eyì enìht'èyèè neyìchì t'axòò t'asì dì godì eyìts'ò ọhdah naènọ-daats'ò-dì sù gits'ò nàgògùhè. Hazòò t'ìk'èet'ì lanì k'egele eyìts'ò sọmbaekwo kw'àyìà weyì dzèh-łekọọ dèk'òọ dagiale. Eyì dzèh-łekọọ dèk'òọ sù Nòhtsì wets'ò ọọ degai xáyageetì lanì họt'e. <sup>9</sup> Shì wegòò t'à dui hagediì gejì,

“Eyì enìht'èyèè nùchì gà wets'òdaà xàìhdlà ha neghàhòt'ò.

Ełàànìgwo ìlè eyìts'ò nedoò t'à Nòhtsì gha ọọ nàgìneèhdi.

Ọọ hazòò xàɔaa, yatì hazòò xàɔaa eyìts'ò dui nèè hazòò gots'ò agùt'e.

<sup>10</sup> Ọọ ìlè zọ lagùt'e agìnelà, Gonòhtsì gha eghàlageeda gha yahtu gùlì agìnelà, eyìts'ò dui nèk'e k'àowocho gùlì ha,” hagediì gejì.

<sup>11</sup> Eyì t'axòò ọdòò k'èeht'ì ekò yak'èet'ì lọ gejì họt'e. Yak'èet'ì lemìyòò lọ t'à gits'ìhtà ha dui. Daèhchìcho, t'asì dì godì eyìts'ò ọhdah naènọ-daats'ò-dì gımòò yak'èet'ì lọ ełèwhede. <sup>12</sup> Hòt'ò gejì, hagedi,

“Sahzòà ɛ̀lɛ̀wɔ̀ ɲ̀lèè s̀ì nez̀ì weghàhòt'ò họt'e!  
 Eded̀ì s̀ì t'as̀ì hazòò gha K'àowocho welè, t'as̀ì  
 hazòò weghòzhe welè,  
 gòzòzò weghàhòt'à welè, nàtsoò awedle,  
 eyits'ò enìyah xè weghàsòts'eedi welè!”  
 haged̀ì geji.

<sup>13</sup> Eyì t'axòò yak'e gots'ò, d̀ù nèk'e gots'ò, dèè  
 wet'̀a gots'ò eyits'ò tì ỳì gots'ò, t'as̀ì hazòò d̀ù  
 haged̀ì geji,

“Am̀ì daèhchìcho k'e whedaa eyits'ò eyì sahzòà s̀ì  
 enìyah xè gìghàsòhoedi welè.

Welò while ts'ò t'as̀ì hazòò ts'ò k'agewo welè!”  
 haged̀ì geji.

<sup>14</sup> T'as̀ì d̀ì god̀ì s̀ì “Amen,” ged̀ì, eyits'ò ɔ̀hdah  
 naènɔ̀-daats'ò-d̀ì nàgògùhghè gà eyì daèhchìcho k'e  
 whedaa eyits'ò eyì sahzòà s̀ì ghàsògeedi.

## 6

### *Enìht'èyèè lòhd̀ì ts'ò wedaàdzeh*

<sup>1</sup> Sahzòà weghàehda ekò eyì enìht'èyèè lòhd̀ì  
 ts'ò wedaàdzeh t'akwelòò whezòò s̀ì nàỳzhi. Eyì  
 t'axòò t'as̀ì d̀ì god̀ì s̀ì ɲ̀è eezhu lad̀ì xàyaht̀ì,  
 “Jò-ìt̀è,” sèhd̀ì. <sup>2</sup> Hòtsaa senadaà t̀ìcho degoo  
 wègòèht'̀ì! Eyì t̀ìcho t'à-at'̀ì s̀ì ɲ̀ht̀ì daet̀ì. Eded̀ì  
 s̀ì sòòmbaekwo kwit'̀ì weghòt'ò eyits'ò eghòò-dòò  
 hoehnè ha nàhòhoehwho lanì nath̀yèèhchì.

<sup>3</sup> Eyì t'axòò sahzòà eyì enìht'èyèè wedaàdzeh  
 nàkè t'à whezòò s̀ì nàỳzhi. K'ach̀ì t'as̀ì d̀ì god̀ì  
 s̀ì wets'ò ɲ̀è had̀ì, “Jò-ìt̀è,” sèhd̀ì. <sup>4</sup> K'ach̀ì t̀ìcho ɲ̀è  
 dek'o lanu wègòèht'̀ì. Eyì t̀ìcho t'à-at'̀ì s̀ì d̀ù nèk'e  
 ts'èwh̀ì hòzòò-le ayele ha eyits'ò d̀ò ɛ̀lɛ̀àfideè ayele  
 ha weghàhòt'ò. Eyì gha behcho nechàa weghòt'ò.

<sup>5</sup> Eyɪ tʰaxqò sahzòq̄ enɪhtʰ'èyèè wedaàdzeh tai t'à whezqò sɪ nàyɪzhì. K'achɪ t'asɪ dɪ godɪ sɪ wets'q̄ ɪè hadɪ, “Jq-ɪtɪ,” sèhɪ. Hqtsaa senadaq̄ tɪcho dezqò wègoèht'ɪ! Eyɪ tɪcho t'à-at'ɪ sɪ wet'à t'asɪ wedaada yàitò. <sup>6</sup> Eyɪ t'asɪ dɪ godɪ sɪ gɪta ts'q̄ dɪ hats'edɪ hq't'e, “Lè denahk'e dètɪ ha; lè nàke aɪhda elɪ sɪ ɪè dzeq̄ gots'àzeedɪ xètɪq̄ elɪ ha, eyɪts'q̄ lè eɪadɪ xàzaa ek'èta aɪhdaa elɪ sɪ ɪè dzeq̄ gots'àzeedɪ xètɪq̄ elɪ ha. Hanìkò tɪh eyɪts'q̄ jìetɪ sɪ wedihq̄htsɪ-le!” hats'edɪ hq't'e.

<sup>7</sup> Eyɪ tʰaxqò sahzòq̄ eyɪ enɪhtʰ'èyèè wedaàdzeh dɪ t'à whezqò sɪ nàyɪzhì. K'achɪ t'asɪ dɪ godɪ sɪ wets'q̄ ɪè hadɪ, “Jq-ɪtɪ,” sèhɪ. <sup>8</sup> Hqtsaa senadaq̄ tɪcho dɪgà lanɪ wègoèht'ɪ! Eyɪ tɪcho t'à-at'ɪ sɪ “eɪàgòhde” wìyeh eyɪts'q̄ yek'èè etɪee sɪ “dò eɪàdèe nèk'e” wìyeh. Dɪ nèk'e tanɪ eyɪts'q̄ k'achɪ tanɪ ts'ò dò nàdèe sɪ eɪàgogìhde ha gɪghàhòt'q̄. Mòhdaa behcho t'à eɪàgogìhde ha, mòhdaa bò while t'à, mòhdaa tàda nàtsoo t'à eyɪts'q̄ mòhdaa tɪts'aadɪ wets'àhoeɪɪ t'à eɪàgogìhde ha.

<sup>9</sup> Sahzòq̄ enɪhtʰ'èyèè wedaàdzeh sɪlài t'à whezqò sɪ nàyɪzhì. Kwe-ladà wek'e Nòhtsɪ ts'ò t'asɪ k'èek'òq̄ sɪ wetʰ'a dò gɪdàq̄zhɪ wègoèht'ɪ. Nòhtsɪ weyatɪ k'èq̄ geeda ts'ihzò eɪàgogìhdèe agɪt'e. <sup>10</sup> Hòt'ò gezeh xè hagedɪ, “Gots'ò K'àowo, t'asɪ negha dɪ-le, nɪ sɪ degaɪ xè ehkw'ɪ anet'e. Dàɪwaa-ɪdè dɪ nèk'e gots'q̄ dò gɪsɪnìyanehtɪ ha? Eɪàgogìhdè k'èxa dàht'e nɪdè nàgɪhkwa ha?” gedɪ yagìzeh. <sup>11</sup> Eyɪ tʰaxqò hazqò zeh degoo nedèe gɪghòzha eyɪts'q̄ dɪ hagèts'edɪ, “ɪlɪà whaà hoòq̄ gots'ò naahzɪ ha. Dànì eɪàanaxegìhdè sɪ eyɪ lanì, naxìxèht'èè Nòhtsɪ wecheekè gɪɪɪ sɪ mòhdaa

elaàgede ha. Hazòò ełaàgogùhdè t'axòò nɔ̀dè ayì k'enaahzì ɔ̀lè sɔ̀ wek'èè agode ha,” gits'edì hɔ̀t'e.

<sup>12</sup> Eyì t'axòò sahzòà weghàehda kò enìht'èyèè wets'òdaàdzeh ek'ètai t'à whezòò sɔ̀ nàyɔ̀zhì. Hɔ̀tsaa dèè hòt'ò nàgoèhdò. Sa dezòò ajà, eyits'ò adzèzah edoò lajà, <sup>13</sup> eyits'ò nɔ̀hts'ì nàtsoo t'à ts'ì hòt'ò nàada nɔ̀dè jìecho diidì sɔ̀ hodàet'ì lanì whò dèè k'e ts'ò hodàet'ì. <sup>14</sup> Enìht'èyèè deyìnats'eèwa lanì yat'a while ajà, shìh hazòò eyits'ò dì whelaa sɔ̀ hazòò wedìhòh.

<sup>15</sup> Dì nèk'e k'aodèe, gɔ̀za hazòò, eghòò-dòò-gha-k'aodèe hazòò, dò ahxee, dò wet'àazàa gùlì, dò edets'ò k'agedè-le eyits'ò dò edets'ò k'agedèe hazòò kwe yì eyits'ò shìh ta kwe whelaa ta nàdegeezi. <sup>16</sup> Shìh eyits'ò kwe ts'ò nagùdzeh hagedì, “Gok'e hodàaht'ì, eyì daèhchìcho k'e whedaa eyits'ò Sahzòà nàgoehkwa ch'à gok'èahdì. <sup>17</sup> Hòt'a hoilà agogeele dzeè weghònihojwo hɔ̀t'e. Dànì edaxàts'ùde weli?” gedì gezeh.

## 7

### *Dò du haàtlò nàgɔ̀kwì hɔ̀t'e*

<sup>1</sup> Eyì t'axòò yak'eet'ù dì dì nèk'e wedzì dì gòlaa gà nàgeèhza gìgoèht'ì. Dèè gok'e, tì k'e eyits'ò ts'ì ta nɔ̀hts'ì ade ha-le t'à nɔ̀hts'ì ɔ̀dè ts'ò gɔ̀tò. <sup>2</sup> Eyì t'axòò sa kàzàa gots'ò yak'eet'ù eyì-le naetle wègoèht'ì. Eyì yak'eet'ù sɔ̀ Nòhts'ì Edaa wets'ò enìht'è k'e nàts'èekwì k'èza. Yak'eet'ù dì tì eyits'ò dèè tsìgehwhì ha gìghàhòt'òò sɔ̀ gots'ò hòt'ò nàidzeh hadì, <sup>3</sup> “Nòhts'ì wecheekeè gits'abeè k'e nàts'èekwì gots'ò, dèè, tìcho eyits'ò ts'ì tsìahwhì-le,” gòhdì. <sup>4</sup> Eyì t'axòò dì hats'edì hɔ̀t'e, “Dò

du haatl̥oq s̥i nàgiakw̥i h̥ot'e: Israel got'j̥i ts'o  
j̥h̥èakw'eènq-daats'ò-d̥j̥ènq-daats'ò-d̥j̥-lemì (144,000).

<sup>5</sup> Judah got'j̥i ts'o hoònq-daats'ò-nàke-lemì (12,000),

Ruben got'j̥i ts'o hoònq-daats'ò-nàke-lemì (12,000),

Gad got'j̥i ts'o hoònq-daats'ò-nàke-lemì (12,000),

<sup>6</sup> Aser got'j̥i ts'o hoònq-daats'ò-nàke-lemì (12,000),

Naphtali got'j̥i ts'o hoònq-daats'ò-nàke-lemì  
(12,000),

Manaseh got'j̥i ts'o hoònq-daats'ò-nàke-lemì  
(12,000),

<sup>7</sup> Simeyon got'j̥i ts'o hoònq-daats'ò-nàke-lemì  
(12,000),

Levi got'j̥i ts'o hoònq-daats'ò-nàke-lemì (12,000),

Isakar got'j̥i ts'o hoònq-daats'ò-nàke-lemì (12,000),

<sup>8</sup> Zebulun got'j̥i ts'o hoònq-daats'ò-nàke-lemì  
(12,000),

Joseph got'j̥i ts'o hoònq-daats'ò-nàke-lemì (12,000),

eyits'o Benjamin got'j̥i ts'o hoònq-daats'ò-nàke-lemì  
(12,000).

Hazòq t'à d̥o haatl̥oq nàgiakw̥i h̥ot'e," hats'edi.

*D̥odeè zeh degoo nedèe y̥i geèhkw'e*

<sup>9</sup> Eyì t̥'axòq senadaq̥ d̥o l̥o t'à l̥o g̥ìgoèht'j̥i. D̥o s̥i  
l̥o t'à d̥o w̥j̥zi goihtà ha di. D̥o hazòq xàzaa, yatì  
hazòq xàzaa eyits'o du nèk'e hazòq gots'o d̥o agut'e.  
Daèhch̥icho eyits'o eyì Sahzòq nadaq̥ nàgeèhza.  
Zeh degoo nedèe y̥i geèhkw'e eyits'o zori dagiale.

<sup>10</sup> Hòt'ò hagedi:

“Gonòhts̥i eyì daèhch̥icho k'e whedaa eyits'o eyì  
sahzòq edaxàgog̥ula h̥ot'e,” gedì gezeh.

<sup>11</sup> Yak'eet'j̥i hazòq eyì daèhch̥icho, q̥dah naènq-  
daats'ò-d̥j̥ eyits'o t'as̥i d̥j̥ godì s̥i gomòq nàgeèhza.



Daèhchìcho wenadaà nàgògùhgè, gini dèè xèedi xè Nòhtsì ghàsogeedi, <sup>12</sup> hagedi,

“Amen! Nòhtsì weghàsots'eedi xè welò while ts'ò masi wets'ùhwhò.

Nòhtsì t'aats'òò enìyah t'à gòzòzò xè nàtso wehòhòzò welè. Amen!” hagedi.

<sup>13</sup> Eyì t'axòò òhdah ìlè daseehke, “Eyì dò zeh degoo nedèè yì geèhk'w'ee sì amì agùt'e? Eyìts'ò edù gots'ò agèt'ì?” sèhdi.

<sup>14</sup> Eyit'à wets'ò haehsì, “K'àowo, nì wek'èizò hòt'e.”

Sets'ò hadi, “Eyì agùt'ee sì hòt'ò dagùza hòt'e. Sahzòà wedoò t'à edezèè k'enagùhtso t'à gizeè de-goò agùlà hòt'e. <sup>15</sup> Eyit'à,

Nòhtsì wedaèhchìcho nadaà nàgeèhza hòt'e.

Dzèè, toò, Nòhtsìkò-gocho goyì gìgha eghàlaeda.

Eyì daèhchìcho k'e whedaa sì edets'ò nìhbàa gok'e ayele ha.

<sup>16</sup> Welò while ts'ò degeèhdi ha-le eyìts'ò tì sì ghageewì ha-le.

Sadeè nàtsoo gik'e ade ha-le, eyìts'ò sì edì t'à dagùza ha-le.

<sup>17</sup> Eyì sahzòà daèhchìcho gà tanì nàwoo sì sahzòà-k'èdì-dòò lanì gok'èdì ha.

Tì nùlù wet'à ts'eedaa sì ts'ò agole ha.

Eyìts'ò Nòhtsì gonatì hazòò yedeedi ha,” òhdah hasèhdi.

## 8

*Sòmbaekwo kw'àyìq*

1 Sahzòà eyi enìht'èyèè wedaàdzeh lòhdì t'à whezòò sù nàyyìzhì ekò hazòò yak'e geèhk'ee sù tanì sadzeè ts'ò gixè t'asagodi-le agòjà.

2 Eyì t'axòò yak'eet'ì lòhdì Nòhtsì nadaà nàgeèhza gìgaat'ì. Dechìshì lòhdì gìghòzha.

3 Yak'eet'ì eyì-le ìlè sòmbaekwo kw'àyìà k'ehì xè sòmbaekwo ladà ts'ò èhtà. Dzèh-ìekòò dèk'òò lò kw'àyìà yì adlà. Eyì sù Nòhtsì wets'ò dò degai ayì gha yagehtì sù wexè sòmbaekwo ladà k'e Nòhtsì ts'ò yek'eehk'ò. Eyì ladà daèhchìcho wenadaà whezò hót'e. 4 Yak'eet'ì wìlà gots'ò dzèh welòò, Nòhtsì wets'ò dò yagehtì xè ìdòò Nòhtsì wenadaà ts'ò ajà. 5 Eyì t'axòò yak'eet'ì eyì sòmbaekwo kw'à neyìchì gà sòmbaekwo ladà k'e gots'ò kò dèk'òò yeyì ayìlà, eyìts'ò dù nèk'e ts'ò xàyeèht'ì. Eyì hayìlà ts'ìhòò eèzhì, hòt'ò agodì, kò nait'ì eyìts'ò dèè hòt'ò nàèhdò.

### *Dechìshì lòhdì*

6 Eyì t'axòò yak'eet'ì lòhdì dechìshì lòhdì geehdì ha sìnìgìde.

7 Yak'eet'ì t'akwelòò whedaa sù edets'ò dechìshì yeèhdì ekò, kò, ìlì eyìts'ò edoò eleta dèè k'e ts'ò hodàèt'ì. Dèè tanì k'azì ts'ò wek'enìk'ò, wexèt'ò ts'ì k'enìk'ò eyìts'ò t'oh hazòò wek'enìk'ò.

8 Yak'eet'ì nàke t'à whedaa sù edets'ò dechìshì yeèhdì ekò shìh nechàa dèk'òò xè tìts'eèhk'a wègoèht'ì. Tìcho tanì k'azì ts'ò edoò whelì. 9 Tì yì t'asì nàdèè sù hazòò tanì k'azì ts'ò elààgìdè eyìts'ò wexèt'ò elàcho wedìhòhì.

10 Yak'eet'ì tai t'à whedaa sù edets'ò dechìshì yeèhdì. Yat'a ts'ò whò nechàa dechì-dèk'òò lanì hodàdèwò. Deh nechàa hazòò eyìts'ò dehtsoa

hazòò tanı k'aʒıı ts'ò k'e nàekw'o. <sup>11</sup> Eyı whò “Nàèdihıı” wıyeh họt'e. Tı hazòò gòhıı sıı tanı k'aʒıı ts'ò tı nàèdihıı whelı t'à dọ ọ ẹlایدè.

<sup>12</sup> Yak'eet'ıı dı t'à whedaa sıı edets'ọ dechıshı yeèhdı. Sadeè, adzẹzah, eyıts'ọ whò hazòò tanı k'aʒıı ts'ò gıxèzèèhdı t'à tanı k'aʒıı ts'ò gıxè togoòt'ò agòjà. Dzẹ eyıts'ọ to dı sadzèè haıwa ts'ò togoòt'ò agòjà.

<sup>13</sup> Eyı t'axòò det'ọcho yat'a k'et'a wègaat'ı. Hòt'ò ezeh xè hadı, “Hoıla ha, hoıla ha, hoıla nechàa agode ha. İlaà yak'eet'ıı tai dechıshı geehdı ha t'à dı nèk'e dọ hazòò sıı gıxè hoıla agode ha!” hadıı ezeh.

## 9

<sup>1</sup> Yak'eet'ıı sıılaı t'à whedaa sıı wets'ọ dechıshı yeèhdı ekò yat'a ts'ọ dı nèk'e ts'ọ whò hodàdeèwò wègaat'ı. Eyı whò sıı ızhıı dèè goyıı gòòzàa yets'odaà xàede ha ladlı weghọt'ọ. <sup>2</sup> Eyı dèè goyıı gòòzàa sıı yets'odaà xàechı ekò weyıı gots'ọ ọ ọ xàıt'ı lanı, kọ nàtsoo dèk'ọọ gots'ọ lanı. Ọ ọ xàekw'e t'à sadeè eyıts'ọ yat'a goèhzòò agòjà. <sup>3</sup> Ọ yıı gots'ọ ts'aelọ ọ xàıde, dıı nèk'e ts'ọ agejà. Eyı ts'aelọ sıı nàèdihıı-k'àle lagııt'e ha gıghàhòt'ọ. <sup>4</sup> Yatı gıghọt'ọọ hagıts'edı, “Dıı nèk'e t'oh, ıt'ọ ọ xàzaa eyıts'ọ ts'ı wıızıı wedıhoahıı ha-le. Hanıkò amıı Nòhtsı nıht'è gıts'abeè k'e nàekwı-le sıı eyı zọ dagıızaa agıahle ha,” gıts'edı. <sup>5</sup> Dọ ẹlایدègehde ha gıghàhòt'ọ-le, hanıkò sıılaı sa ts'ò dọ dagıızaa agogele ha họt'e. Nàèdihıı-k'àle dọkwò xàhde nıdè sıı wek'è eya nàtso, eyı lanı ts'aelọ hòt'ò dọ dagııhza ha. <sup>6</sup> Ekııyèè k'e dọ ẹlایدèts'ıde gııwọ kò ẹlایدègehe ha-le.

7 Eyɪ ts'aelɔ̀ɑ̀ sɪ tɪtʃo ɛlɛgɛgɔ ɡha nàgeht'ɪ lani ɡìɡaat'ɪ. Sɔ̀m̩baekwo kwit'ɪ ɡɪkwì k'e whela, eyits'ɔ ɡɪnì dɔ̀nì lani ɡìɡoèht'ɪ. 8 ɡɪkwìghà, ts'èko kwìghà lani eyits'ɔ ɡɪghòò ɡoòjì wɛghòò lani. 9 Eyits'ɔ satsɔ ɡɪdzɔ k'e whela. ɡɪts'ɔ nàeda nɪdè tɪtʃo behchɪ xè tɪtʃo ɔ ɛlɛgɛgɔ ts'ɔ ɡeède lagodɪ. 10 Nàèdɪhɪ-k'àle wetsè lani ɡɪtsè k'oòts'oo sɪ t'à sɪlài sa ts'ɔ dɔ ɔ ɔ ɔ ɔ ha. 11 ɡɪts'ɔ k'àowo sɪ dèè yì ɡòòʔàa ɡots'ɔ yak'eet'ɪhɪ hɔt'e. Eyɪ yak'eet'ɪhɪ sɪ Israel ɡot'ɪ ɡɪyatì k'èè “Abadon” wìyeh eyits'ɔ Greece ɡot'ɪ ɡɪyatì k'èè “Apollyon” wìyeh (eyɪ sɪ “t'asɪ yedɪhohtsɪ” ɡedɪ-agedɪ).

12 T'akwèlòò hoilà wetehoòwo, hanìkò ɪlài hoilà nàke xèhoiwɪ ha.

13 Yak'eet'ɪ ek'ètaɪ t'à whedaa sɪ edets'ɔ dechɪshì yeèhdɪ ekò Nòhtsɪ wenadaɔ sɔ̀m̩baekwo ladà wheʔɔ sɪ wedzì dɪ ɡots'ɔ ɡots'edeè hɔt'e.

14 Eyɪ yak'eet'ɪ ek'ètaɪ t'à whedaa wets'ɔ dɪ hats'edɪ hɔt'e, “Yak'eet'ɪ dɪ dehcho Euphrates ɡà dageet'ɪ sɪ ɔ ɔ ɔ ɔ,” wèts'edɪ hɔt'e. 15 Eyɪ yak'eet'ɪ dɪ sɪ dɪ sadzeè ɡha, dɪ dzeè ɡha, dɪ sa ɡha eyits'ɔ dɪ xo ɡha, ɡɪk'èhodì hɔt'e. Dɪ nèk'e dɔ hazɔ tani k'aɪ ɔ ts'ɔ ɛlɛagogɪhde ha xàgeèdeè ɡòòlà. 16 Dɪ hats'edɪ eèhkwo, “Hazɔ t'à eghɔ-dɔ tɪtʃo k'e dageèhkwo sɪ nàke-lakw'eènɔ-lemɪyɔ hageètɔ,” hats'edɪ hɔt'e.

17 Tɪtʃo eyits'ɔ dɔ ɡɪk'e dageèhkwo sɪ dɪ hani senazhu ɡìɡoèht'ɪ: Satsɔ ɡɪdzɔ whelaa sɪ kò lani dek'o, dèht'è-dezɔ xè dekwo-degoo lani wèɡaat'ɪ. Tɪtʃo ɡɪkwì sɪ ɡoòjìkwì lani eyits'ɔ ɡɪwà ɡots'ɔ kò xè ɔ, eyits'ɔ kwe dèk'òò xàewì. 18 Eyɪ kò, ɔ, eyits'ɔ kwe dèk'òò tɪtʃo ɡɪwà ɡots'ɔ xàewì sɪ t'à dɪ nèk'e

dọ hazòò tanì k'aʔì ɛ̀laàgùdè. <sup>19</sup> Tɛ̀cho sù edewà eyits'ò edetsè t'à dọ ɛ̀laàgehde; gùtsè gòcho lanì eyits'ò edekwì t'à dọ tsìgehde.

<sup>20</sup> Dii nèk'e dọ ɛ̀laàgùdè-le sù edilà t'à ayì gèhtsù sù ghò edek'egùlì-le. Ìnìhù ts'ò yagehtì ghò naget'è-le. Sòmbaekwo t'à t'asù hòèlù, sòmba degoo, satsò dekwoo, kwe, eyits'ò dechì t'à nòhtsìà hòèlù sù ts'ò yagehtì. Edegha nòhtsìà gehtsù sù k'egeet'ì-le, egeèkw'ò-le xè k'egedè-le kò ɛ̀laà gots'ò yagehtì.

<sup>21</sup> ɛ̀laàlegìhde, ɛ̀k'òò t'à alegehɛ̀, edezhì t'à hòlù k'alagedè eyits'ò egeeɛ̀, hanìkò edek'egùlì-le.

## 10

### *Yak'eet'ì enìht'èyèè nechà-lea dayeʔa*

<sup>1</sup> Eyì t'axòò k'achì yak'e gots'ò yak'eet'ì nàtsoo hodàèhtà weehɛ̀. K'oh wemoèhdo eyits'ò k'àlemì wekwì godo nawhet'ì wègaat'ì. Wìnì sa lanì wek'e saɛ̀dì eyits'ò wedzaà kò dèk'òò nàɛ̀za lanì.

<sup>2</sup> Eyì yak'eet'ì enìht'èyèè nechà-lea dayeʔa; eyì enìht'èyèè wek'eyats'ehtì ha welat'ì aà wheʔò. Nàgots'èhnèè ts'ò edekè t'à tìcho k'e nàèht'è eyits'ò gots'ìhts'ò ts'ò edekè t'à dèè k'e nàèht'è. <sup>3</sup> Gòjìcho lanì hòt'ò whezeh. Hòt'ò whezeh ekò eezhù lòhdì ek'èt'a xàyagùhtì. <sup>4</sup> Eezhù lòhdì gòɛ̀de kò ayì dàgedù sù dek'enèht'è ha dehwhò ɛ̀lè, hanìkò yak'e gots'ò sets'ò hats'edù hɛ̀t'e, “Eyì eezhù lòhdì dàgedù sù dọ wìzì ts'ò hàɛ̀dì-le eyits'ò dek'enìht'è-le,” hasèt's'edù hɛ̀t'e.

<sup>5</sup> Eyì t'axòò yak'eet'ì tìcho eyits'ò dèè k'e nàwo weehɛ̀ ɛ̀lè sù nàgòts'èhnèè ts'ò edilà ɛ̀dòò yak'e ts'ò ayìlè. <sup>6</sup> Nòhtsì welò while ts'ò edaa sù yak'e eyits'ò t'asù hazòò yeyì nàdèè whehtsì. Eyits'ò dii dèè

eyits'ò t'asì hazòò yek'e nàdèe whehtsì. Eyits'ò ticho eyits'ò t'asì hazòò yeyì nàdèe whehtsì sù ededì yuzì dahxà dū hadì yatì nàtsoo whihtsì: “Hòt'a Nòhtsì naèh₂ì ha nùile! 7 Yak'eet'ìì lòhdì t'à whedaa sù edets'ò dechìshì yeèhdì ha nùikw'o nùdè Nòhtsì nàowoò dọ gha de₂ì whe₂òò sù hòt'a deghàà wek'èè agode ha. Nakwenàòòòò Nòhtsì gha eghàlagùdà ìlèe sù dànì dọ ts'ò gogùdee sù wek'èè agode ha,” yak'eet'ìì hadì.

8 Yak'e gots'ò amì sets'ò gode ìlèe sù k'achì sets'ò gode, hadì, “Eyì yak'eet'ìì ticho eyits'ò dèè k'e nàwoo sù wets'ò ìtla gà eyì enìht'èyèè daye₂aa sù nùichì,” sets'ò hats'ediì họt'e.

9 Eyt'à yak'eet'ìì wets'ò èhtla gà, “Enìht'èyèè nechà-lea seghàichì,” wets'ò haehsì. Sets'ò hadì, “Nùichì gà ne₂à. Nebò yì dùts'aà ade ha, hanìkò newà yì kw'iahnò-dùì lanì negha lèkòò ade ha,” sèhdì. 10 Eyt'à yak'eet'ìì wìlà gots'ò enìht'è neehchì gà ì₂à. Kw'iahnò-dùì lanì lèkò, hanìkò ì₂à t'axòò sebò yì dùts'aà ajà. 11 Eyì t'axòò sets'ò hats'ediì, “Sedahxà, dàgode ha sù weghò dọ gits'ò goìde. Dọ lọ xà₂aa, yatì lọ xà₂aa eyits'ò dū nèk'e hazòò eyits'ò k'àowocho lọ gits'ò goìde,” sèts'ediì họt'e.

## 11

### *Nakwenàòòòò nàke*

1 Dechì wet'à ìdzàa seghòt'ò xè sets'ò hats'edi, “Nòhtsìkò-gocho ts'ò ìtla gà dàìhcho ne sù wexè₂ìhdzà eyits'ò eyì ladà whe₂òò sù wexè₂ìhdzà. Eyits'ò ekò dọ dàtlo yagehtì sù gùhtà. 2 Hanìkò Nòhtsìkò-gocho gomòht'a kwekwìì nechàa weyì kwekwìì nechà-lea nawhe₂aa wege gòòòò sù

wexèꞑìhdzà-le, eyi sù dọ eładı gıgha ne t'à. Dıèndı-daats'ò-nàke sa gots'ò kògodeè degai sù wedıhogehtsı ha. <sup>3</sup> Sets'ò nakwenàozòò nàke sù t'ası t'à nàgetsoò agehıe ha. İlè-lemı-daats'ò-nàkeakw'eèndı-daats'ò-ek'ètaèndı (1,260) dzeè gots'ò dıhshòò goht'òò yı geèhkw'e xè nadaà gogede ha,” sèt's'edı họt'e. <sup>4</sup> Eyı nakwenàozòò nàke sù ts'ı nàke jıecho “olive” wek'e dehshee eyıts'ò ek'aèk'òchı nàke dı nèk'e ts'ò K'àowo nadaà nawheza lanı nàgeèhza. <sup>5</sup> Dọ gots'ò hoıla eghàlageeda nıdè gıwà ts'ò kòwoò xàewı t'à gok'egeehk'ò. Amı eyı nakwenàozòò nàke ts'ò hoıla eghàlaedaa sù hanı ełàawı ha họt'e. <sup>6</sup> Eyı nakwenàozòò nàke sù yat'a ts'ò k'àhogewo ha gıghàhòt'ò họt'e. Nòhtsı yatı t'à dọ ts'ò gogede gots'ò chòh agot'ı-le agehꞑı, tı edoò ìhè agehꞑı eyıts'ò dı nèk'e hoıla hazòò xàꞑaa agele ha gıghàhòt'ò. T'aàtlò ts'ò hanı eghàlageeda ha gıwòò sù hagehꞑı.

<sup>7</sup> Hòt'a dọ ts'ò gogede ghònagıt'e nıdè tıts'aadı nechàa dèè goyı gots'ò xàetla ha eyıts'ò gok'aàwo xè goghòehné ha, eyıts'ò ełààgòhde ha. <sup>8</sup> Kògodeè wenı tı k'e gıweè whela ha. Eyı kògodeè wızi sù Sodom-lanı eyıts'ò Egypt-lanı wıyeh họt'e, ekò gıts'ò K'àowo dechıet'aa k'e wedıtsò ìlè. <sup>9</sup> Tai dzeè daats'ò tanı hıwa gots'ò dı nèk'e ts'ò dọ hazòò xàꞑaa eyıts'ò yatı hazòò xàꞑaa gots'ò dọ eyı nakwenàozòò nàke gıweè whelaa ghàgeeda ha, hanıkò gokw'òò nègıle ha gıwò-le. <sup>10</sup> Eyı dọ nàke ełààgıdèe t'à dı nèk'e dọ hazòò gınà ha. Eyı gha dzèdèe hogehtsı xè t'ası ełaghàgele ha, eyı nakwenàozòò nàke sù dı nèk'e dọ dagogıhza ìlèe t'à.

<sup>11</sup> Hanıkò tai dzeè daats'ò tanı tı'axòò Nòhtsı

gok'e ehsò t'à nagìdà agòòlà. Nàgeèhzaà agejà t'à amì gogiazù sù sù geèhyeh. <sup>12</sup> Eyì t'axòò eyì nakwenàòzòò nàke yak'e gots'ò gits'ò hòt'ò dū hats'edū gūkw'o, "Jò ɪdòò ts'ò aahde," gits'ò hats'edū hòt'e. Eyit'à k'oh yì ɪdòò yak'e ts'ò agejà; dọ gots'ò xànegùzaa sù goghàgeeda.

<sup>13</sup> Eyì sadzeè et'ì dèè hòt'ò nàèhdọ t'à kògodeè gots'ò kọ ɪọ hodàèt'ì; kọ gòlaa hònọ ts'ò ɪè hodàèt'ì. Dèè hòt'ò nàèhdọ t'à dọ ɪòhdì-lemì ɛɪɪdè. Dọ ɛɪɪdè-le sù sù geèhyeh t'à Nòhtsì yak'e whedaa ghàsogeedì.

<sup>14</sup> Hoilà nàke wetehoòwo, wek'è hoilà taì agode ha sù wets'ò hawe.

### *Yak'eet'ì ɪòhdì t'à wheda*

<sup>15</sup> Yak'eet'ì ɪòhdì t'à whedaa sù edets'ò dechìshì yeèhdì ekò yak'e gots'ò hòt'ò dū hats'edū hòt'e,

"Gots'ò K'àowo eyits'ò wets'ò Christ xè dū nèk'e gogha k'àowo gūɪ agejà eyits'ò ededì sù welọ while ts'ò K'àowo ɛɪ ha," hats'edū hòt'e.

<sup>16</sup> Eyì t'axòò ọhdah naènọ-daats'ò-dì Nòhtsì nadaà daèhchìcho k'e geèhkw'ee sù Nòhtsì nadaà nàgògūhè gà gìghàsogedì, <sup>17</sup> hagedì,

"Gots'ò K'àowo eyits'ò Gonòhtsì, nì sù t'asì negha dū-le. Nì sù nexè hòzọ ɪè eyits'ò dū nexè hòzọ hòt'e. T'asì negha dū-le t'à dū nèk'e k'àhọwo ha xèhoneehwho, eyit'à masì nets'ìhwhọ. <sup>18</sup> Dọ hazòò xàzaa gìch'è, eyit'à dū nàgūhkwa ha. Dọ ɛɪɪdè sù dū gisìniyaetì ha nèhọwo. Nakwenàòzòò negha eghàlagùdàa, nets'ò dọ gūɪ, eyits'ò nets'ò nezì kànegùzaa sù nezì gits'ò eghàlajida ha. Eyits'ò dọ wet'àazàa, dọ wet'àazà-le, nek'èagū'ee sù nezì gits'ò eghàlajida



ha. Hanikò amì dū dèè yedihòhtsɿ sù godihòhtsɿ ha hòt'e," hagedi.

<sup>19</sup> Eyɿ tʰaxqò yak'e ts'ò Nòhtsɿkò-gocho enìxàetq. Nòhtsɿkò-gocho goyì nakenahòdlɿ gha sqòmbaekwo-ladzè wègoèht'ì. Hqtsaa eezhɿ xè kò nait'ì, dèè hòt'ò nàèhdq xè ihlɿ lq hodàèt'ɿ.

## 12

### *Ts'èko eyits'q tits'aadìcho dek'oo*

<sup>1</sup> T'asì enìyah yak'e wègoèht'ì: ts'èko zeh yì wheda lanì sadeè t'à nàht'ì. Adzèzah weket'á whezq eyits'q sqòmbaekwo kwit'ì whò hònq-daats'ò-nàke wek'e whela wekwì k'e whezq. <sup>2</sup> Hotì eda-le; webebìa gòhlè ha nìkw'o t'à wegħa eya nàtso t'à yaèzeh. <sup>3</sup> Eyɿ tʰaxqò k'achɿ t'asì enìyah yak'e wègoèht'ì: tits'aadìcho dek'oo wekwì lòhdɿ wek'e whela eyits'q sqòmbaekwo kwit'ì lòhdɿ wekwì k'e whela wègoèht'ì. <sup>4</sup> Edetsè t'à whò tanì k'azì yat'a whelaa sù dū nèk'e ts'ò hodàyeèhde. Eyɿ tits'aadìcho dek'oo sù ts'èko webebìa gòhlè ha nìkw'oo yenadaqà nàwo, eyɿ bebìa wegòhɿ ts'òet'ì yeza ha nɿwq t'à. <sup>5</sup> Eyɿ ts'èko dqzhìa nìhtɿ. Eyɿ dqzhìa sù satsò-geh t'à dq hazqò xàzaa ts'ò k'ahowo ha. Ekòet'ì eyɿ dqzhìa sù ɿdòo Nòhtsɿ ts'ò eyits'q wedaèhchìcho ts'ò nɿwìtɿ. <sup>6</sup> Eyɿ ts'èko ekì-ka nèk'e ts'ò kwèhsa. Edì Nòhtsɿ yedasìnìhòzq sù ekq ts'ò ajà, ekq ɿlè-lemì-daats'ò-nàkeakw'eènq-daats'ò-ek'ètaènq (1,260) dzèq gots'ò wek'èhodì ha.

<sup>7</sup> Yak'e èlegèq xèhòqwo. Michael edets'q yak'eet'ì xè eyɿ tits'aadìcho dek'oo ts'ò èlegèq eyits'q eyɿ tits'aadìcho dek'oo wets'q yak'eet'ì xè gots'ò ek'èt'á èlegèq. <sup>8</sup> Hanikò eyɿ tits'aadìcho

dek'oo sù hoehnè ha nàtso-le t'à yak'e gots'q xàgogeèhde. <sup>9</sup> Eyì tìts'aàdìicho dek'oo sù ìnèè whaà gots'q gòochò hq̄t'e. Eyì sù weh̄h̄ hani-le-ìdè “Satan” wìyeh hq̄t'e. Edeḍì sù dū nèk'e d̄q̄ hazq̄ò ekq̄-le ts'ò goèhza. Wets'q yak'eet'ìh̄h̄ xè dū nèk'e ts'ò gogeèhde.

<sup>10</sup> Eyì t'ì'axq̄ò yak'e gots'q hòt'f'ò dū hats'edì hq̄t'e: “Hòt'a Nòhtsì edaxàgòl̄a. Edeḍì sù K'àowocho el̄ì eyìts'q edets'q Christ xè K'àowo nàtsoo el̄ì ha. Amì Nòhtsì wenadaà t'aats'q̄ò gòet'ì k'e nìdahoezà el̄ì sù hòt'a hodàweèdo hq̄t'e. <sup>11</sup> Gòet'ì Sahzq̄à wedoò t'à eyìts'q edeyatì sì t'à gìghq̄èhnq̄ hq̄t'e. Eyì gha eł̄aàḡide kò gìgha t'asanile hq̄t'e. <sup>12</sup> Eyìt' à naxì hazq̄ò yak'e nàahdèe sù sù naxìnà welè! Hanìkò weh̄h̄ dū nèk'e ts'ò ajà ne t'à, dèe eyìts'q tìcho xè hoìla hòzq̄ ha! Whaà-lea gots'q zq̄ wegħa hòzq̄ t'à sù ìch'è hq̄t'e,” ts'edì hq̄t'e.

<sup>13</sup> Eyì tìts'aàdìicho dek'oo dū nèk'e ts'ò hodàweèhdo yek'èhoèhzà t'à ts'èko d̄q̄zhìà nìht̄t̄ sù yedeèzhì. <sup>14</sup> Eyì ts'èko sù det'q̄cho nechàa wìts'q̄ò nàke wegħòzha, yet' à ekì-ka nèk'e wedasiùgòdl̄aa sù ts'ò naat'a ha. Ekq̄ tai xo daats'q̄ò tanì h̄ajwa ts'ò wek'èhodì ha eyìts'q ekq̄ gòochò dayeechì hale. <sup>15</sup> Eyì t'ì'axq̄ò gòochò edewà gots'q tì xàehse. Eyì tì sù deh whel̄ì. Gòochò eyì ts'èko deh nàtsoo t'à weeh̄h̄ ayele ha nìwq̄ l̄è. <sup>16</sup> Hanìkò dèe whàgoets'è gà eyì tìts'aàdìicho dek'oo wewà gots'q tì xàet'f'ì sù nał̄ayeèhdò t'à ts'èko ts'àiḍì. <sup>17</sup> Tìts'aàdìicho dek'oo eyì ts'èko ghq̄ sù ìch'è t'à weza hazq̄ò ts'ò ajà; weza hazq̄ò Nòhtsì nàowoò k'èaḡit'e eyìts'q Zezì wegodì k'ègedì. Eyì tìts'aàdìicho dek'oo eyìts'q ts'èko weza eł̄exè eł̄eglagq̄.

# 13

<sup>1</sup> Tìts'aàdìicho dek'oo tabàa nàwo wègaat'ɿ.

*Tìts'aàdì nechàa tìcho yì gots'q xàèhtɿa*

Eyìts'q tìts'aàdì nechàa eyì-le tìcho yì gots'q xàèhtɿa wègaat'ɿ. Wekwì lèhdì eyìts'q wedè hoònq gòhì. Sòmbaekwo kwìt'ì hoònq wedè k'e whela eyìts'q wekwì lèhdì k'e guzì dek'eèht'è. Eyì guzì lèhdì sù Nòhtsì k'èch'a yatì dek'eèht'è họt'e. <sup>2</sup> Eyì tìts'aàdì nechàa tìcho yì ts'q xàèhtɿaa sù nòda “leopard” lanì wègaat'ɿ, eyìts'q wekè sahkè lanì eyìts'q wewà gojìicho wewà lanì wègaat'ɿ. Eyì tìts'aàdìicho dek'oo sù tìts'aàdì nechàa nàtsoò ayìlà xè edet'axqò k'àowocho elì ayìlà. <sup>3</sup> Tìts'aàdì nechàa wekwì lèhdì ts'q lè k'e wekaà nechàa whezò. Eyì wekaà yet'à eɿàawì ha lè, hanìkò k'aat'ì anajà. Dì nèk'e ts'q dọ hazqò eyì tìts'aàdì nechàa weghq sù gìgha enìyah t'à gìk'èède. <sup>4</sup> Tìts'aàdì nechàa edet'axqò eghàlaedaà ayìlà t'à dọ hazqò tìts'aàdìicho dek'oo ts'q yagehtì. Eyìts'q dọ hazqò tìts'aàdì nechàa sù ts'q yagehtì, hagedì, “Amì dì tìts'aàdì nechàa xèht'e? Dọ wùzì yedaèt'è gòhì-le!” gedi.

<sup>5</sup> Eyì tìts'aàdì nechàa sù xàdahodì xè Nòhtsì k'èch'a gode ha weghàhòt'q. Eyìts'q dìenq-daats'q-nàke sa gots'q k'àowo elì ha weghàhòt'q. <sup>6</sup> Nòhtsì ededì, Nòhtsì nàdèe k'è, eyìts'q hazqò yak'e nàgedèe sù k'èch'a xàyahhtì. <sup>7</sup> Tìts'aàdì nechàa sù Nòhtsì wets'q dọ ts'q eghq xè goghqehné ha weghàhòt'q họt'e. Dọ hazqò xàzaa, yatì hazqò xàzaa eyìts'q hazqò nèk'e ts'q k'àowo elì ha weghàhòt'q họt'e. <sup>8</sup> Dì nèk'e dọ hazqò tìts'aàdì nechàa ts'q yagehtì ha. Sahzqà eɿàawìgwo wenìht'è k'e guzì

dek'eèhtl'è-le agūt'e. Dii dèè hòèl̩ gots'q amì welq while ts'ò geeda ha s̩ eyi en̩htl'è y̩i guzi dek'eèhtl'è.

9 Amì wedzi gòh̩ s̩ eèkw'q weli. 10 Amì wedaàni̩tq wegħa hòzq s̩ wedaàni̩tq ha h̩t'e. Amì behcho t'à e̩aàw̩ wegħa hòzq s̩ behcho t'à e̩aàw̩ ha h̩t'e. Eyit'à Nòhts̩ wets'q dq ts'èwh̩ dag̩za xè edini n̩tsoð ag̩hwhq ha h̩t'e.

### *Tits'aad̩i nechàa dèè goy̩i gots'q xàèht̩a*

11 Eyì t'axq̩ k'ach̩ tits'aad̩i nechàa ey̩i-le dèè goy̩i gots'q xàèht̩a wègaat'̩. Wedè nàke s̩ sahzq̩-edè lan̩i wek'e whela, hanikò tits'aad̩i cho dek'oo lan̩i gode. 12 Tits'aad̩i nechàa wekw̩ l̩hd̩ s̩ wedahxà k'àowo e̩. Dii nèk'e dq hazq̩ tits'aad̩i wekw̩ l̩hd̩, ìè wekaà nechàa nai̩ s̩ ts'ò yageht̩i ag̩q̩là. 13 Eyì tits'aad̩i k'àowo whel̩ s̩ en̩yah deè hòèhts̩. Dq hazq̩ godaà yat'a gots'q kò dèk'q̩ d̩ nèk'e ts'ò ay̩l̩. 14 Tits'aad̩i wekw̩ l̩hd̩ wedahxà han̩ en̩yah deè hòèhts̩ t'à d̩ nèk'e dq gogh̩yaàzq̩. Weyat̩i k'e tits'aad̩i nechàa behcho t'à gego hanikò x̩d̩a s̩ kwe t'à wek'èè wègaat'̩ n̩h̩zaà ag̩l̩. Eyit'à tits'aad̩i wekw̩ l̩hd̩ gh̩s̩geedi̩ ag̩q̩là. 15 Eyì tits'aad̩i nechàa d̩ nèk'e gots'q xàèht̩a s̩ eyi kwe t'à wek'èè wègaat'̩ hòèl̩ s̩ yek'e ehsò t'à godeè ayele ha wegh̩hòt'q. Eyits'q amì yets'q̩ yaht̩i-le s̩ hazq̩ e̩aàgòhde ha wegh̩hòt'q. 16 Dq hazq̩ n̩gòts'eh̩nèe g̩l̩ k'e han̩i-le-ìdè g̩ts'abeè k'e t'as̩i dek'eèhtl'è ha ag̩q̩là. Dq wet'aaazà, dq wet'aaazà-le, dq ahxee, dq-teèt'̩, dq edets'q̩ k'agedèe eyits'q̩ dq edets'q̩ k'agedè-le, hazq̩ t'as̩i g̩k'e dek'eèhtl'è ha ag̩q̩là. 17 Eyì t̩cho

yì gots'ò tits'aàdì nechàa wekwì lòhdì wuzì hanì-le-ìdè wets'ò itàa gík'e dek'eèht'è lenq̄sì dọ wuzì t'asì nàehdì ha dùi, eyits'ò t'asì gighò nàedì ha dùi.

<sup>18</sup> Dì yati dàdì-adì sù dọ gọqzọq sù yeniedì welì. Dọ gọqzọq nìdè eyì tits'aàdì nechàa wets'ò itàa sù yuhtà ha welì, dọ wets'ò itàa ne t'à. Eyì dọ wets'ò wet'à itàa sù ek'ètaekw'eènq̄-daats'ò-ek'ètaènq̄-daats'ò-ek'ètai (666) họt'e.

## 14

### *Sahzọq eyits'ò dọdeè gigaat'ì*

<sup>1</sup> K'eeht'ì ekò senadaq̄ shìh nechàa Zion wiyeh k'e sahzọq nàwo wègaat'ì. Wexè dọ ìèakw'eènq̄-daats'ò-djènq̄-daats'ò-dj-lemì (144,000) nàgeèhza, gits'abee k'e sahzọq wuzì eyits'ò Wetà wuzì dek'eèht'è.

<sup>2</sup> Eyì t'axòq̄ yak'e gots'ò tì nàìlì lagodì, eyits'ò eezhu lagodì. Dọ t'ik'eeṭṭì t'à sònàgedè lagodì eèhkwo.

<sup>3</sup> Daèhchìcho wenadaq̄, eyits'ò t'asì godì dì, q̄hdah naènq̄-daats'ò-dj gìnadaq̄ dọ lọ shì wegòò t'à geṭṭì. Dọ wuzì eyì shì ghàdegeetq̄ ha dùi, dọ ìèakw'eènq̄-daats'ò-djènq̄-daats'ò-dj-lemì (144,000) dù nèè gots'ò edaxàgeèlaa sù ededì zọ eyì shì k'ègeezq̄.

<sup>4</sup> Eyì dọ haatlọq̄ sù ts'èko xè hoṭṭì k'èè eghàlagudà whìle, degai k'èè edek'ègìadi t'à. Sahzọq̄ edṭṭì k'etlòò sù gík'èè k'edè. Dọ gita gots'ò nàgeèdì agūt'e, eyits'ò jìecho t'akwelòq̄ duidì Nòhtsì eyits'ò Sahzọq̄ ghàgogìlaa lagūt'e.

<sup>5</sup> Hogets'ì gogudèe whìle eyits'ò hoṭṭì wuzì gits'ò-èl-le.

### *Yak'eeṭṭì tai gigoèht'ì*

<sup>6</sup> Eyì t'axòq̄ yak'eeṭṭì k'achì ìè idòò k'et'a weehzì. Godì nezṭṭì welq̄ whìle ts'ò whezq̄q̄ dù nèk'e

dò hazòò gík'èezò ha k'eyeza; dò hazòò xàzaa, yatí hazòò xàzaa eyíts'ò dú nèk'e hazòò gha adlà hòt'e. <sup>7</sup>Yak'eet'ù hòtl'ò hadí, “Hòt'a dò síníyaetu dzèè ts'ò whaà-le t'à Nòhtsì wek'èaht'e eyíts'ò weghàsòahdí. Edeđì sù yak'e, dú dèe, tìcho eyíts'ò tì xàlì hazòò yèhtsì hòt'e, eyít'à wegħa zò aahda,” hadí.

<sup>8</sup>Eyí t'axòò k'achì yak'eet'ù ìlè wègoèht'ì, hadí, “Kògodeè nàgoìt'ì! Kògodeè Babylon hazòò nàgoìt'ì, eyí kògodeè sù dú nèk'e dò hazòò edehoì k'èè eghàlagùdà agòòlà,” hadí.

<sup>9</sup>Eyí t'axòò k'achì yak'eet'ù ìlè wègoèht'ì, hòtl'ò dú hadí: “Amì eyí tìts'aadì nechàa eyíts'ò kwe t'à wek'èè wègaat'ù ts'ò yahtì eyíts'ò amì wets'abeè k'e hanì-le-ìdè wìlà k'e wùzì aat'èe sù <sup>10</sup>Nòhtsì hòtl'ò nàyeekwa ha. Nòhtsì sù wets'ò wek'èch'a t'à hòtl'ò dàza yeghàhòza ha. Sahzòà eyíts'ò yak'eet'ù gínadaà kwe dèk'òò t'à dàzaà awedle ha hòt'e. <sup>11</sup>Hanì dò gík'èek'ò gots'ò ló welò while ts'ò ìdòò deekw'e ha. Amì eyí tìts'aadì nechàa ts'ò eyíts'ò kwe wek'èè wègaat'ù ts'ò yagehtì eyíts'ò wùzì gík'e aat'èe sù ts'èwhì hòzò hòlì ha-le.” <sup>12</sup>Hanì hòzò ha t'à Nòhtsì wets'ò dò degaì sù ts'èwhì nageèhzi ha hòt'e. Nòhtsì wenàowoò k'èagut'è eyíts'ò Zezì ts'ò edìnì nàtsoò agule.

<sup>13</sup>Eyí t'axòò yak'e gots'ò dú hats'edì hòt'e: “Dú dek'enìt'è: Jò gots'ò ìdaà amì gots'ò K'àowo gìgha ehkw'ì adù xè ełàgedee sù gìxè sìghà hòt'e,” hats'edì hòt'e.

Yedàyeh Nezi hadí, “Hèzè, hòtl'ò eghàlagùdà k'èxa k'èhogeèza ha eyíts'ò ayì dàgùlāa sù t'aats'òò gìxè whela ha,” hadí.

*Dèè k'e t'asì dùi dùi nàgehtsì*

14 Eyɪ tʰaxɔ̀ ɔ̀ senadaà k'oh degoo wègoèht'ì, “dɔ̀ wet'aaʔaa deè” lanɪ k'oh k'e wheda. Sɔ̀mbaekwo kwit'ìi wekwì k'e wheʔɔ̀, eyits'ɔ̀ behcho whezòo dèni k'eʔa. 15 Ekòet'ìi Nòhtsɪkò-gocho ts'ɔ̀ yak'eet'ìi eyì-le xàèhtɫa. Yak'eet'ìi eyɪ k'oh k'e whedaa sɪ ts'ɔ̀ hòt'ò hadɪ, “T'asɪ diidɪ hazɔ̀ nàgehtsɪ ha nèhòwo t'à, nebehchoò t'à xàneht'à,” yèhdɪ. 16 Eyit'à eyɪ k'oh k'e whedaa sɪ edebhchoò dèè gote ayìlɫà t'à dèè k'e t'asɪ diidɪ hazɔ̀ nàgehtsɪ.

17 Eyɪ tʰaxɔ̀ ɔ̀ k'achɪ yak'eet'ìi eyì-le yak'e Nòhtsɪkò-gocho gots'ɔ̀ xàèhtɫa. Edeɔ̀ sɪ behcho whezòo dèni k'eʔa. 18 Sɔ̀mbaekwo ladà wek'e Nòhtsɪ ts'ɔ̀ t'asɪ k'èek'òɔ̀ sɪ gots'ɔ̀ yak'eet'ìi eyì-le xàèhtɫa. Eyɪ yak'eet'ìi ladà k'e kò dèk'òɔ̀ ts'ɔ̀ k'àowo hòt'e. Yak'eet'ìi behcho dèni k'eʔaa sɪ ts'ɔ̀ hòt'ò dɪ hadɪ, “Nets'ɔ̀ behcho dèni t'à, dɪ nèk'e ts'ɪ wek'e jìecho dawhelaa sɪ xàaht'à gà nàahtsɪ, hòt'a diidɪ ne t'à,” yèhdɪ. 19 Eyɪ yak'eet'ìi sɪ edebhchoò dèè gote ayìlɫà gà jìecho diidɪ hazɔ̀ nàwhehtsɪ. Tàtsɔ̀geèhʔe ha tɔ̀hcho yì yìhde, Nòhtsɪ sɪ jìecho gots'ɔ̀ winì-le t'à. 20 Kògodeè gomòht'a tɔ̀hcho yì jìecho tàtsɔ̀geèhʔe. Eyɪ tɔ̀hcho yì gots'ɔ̀ jìecho tì edoò lanì xàlɫɪ. Sɪlài gokè haàtagoqwha ts'ɔ̀ ajà eyits'ɔ̀, nàkeakw'eènɔ̀-chɪ haɪwa ts'ɔ̀ edoò nɪlɫɪ.

## 15

### *Hoila lɔ̀hdɪ agode ha*

1 K'achɪ yak'e eniyah deè nàhòwo wègoèht'ì: yak'eet'ìi lɔ̀hdɪ hoila lɔ̀hdɪ wet'à nɔ̀de dɔ̀ dagɪʔaa agedle ha sɪ dagiale. Eyɪ wet'à Nòhtsɪ dɔ̀ nàgoehkwa ghɔ̀ nɔ̀t'e ha t'à nɔ̀de hòt'e. 2 Tìdeè lanɪ, eja wek'e saɔ̀de xè weta

kò dèk'òq lanu wègoèht'ì. Ami eyi tìts'aàdì  
 nechàa “ek'ètaekw'eènq-daats'ò-ek'ètaènq-daats'ò-  
 ek'ètai” (666) wiyeh eyìts'ò kwe wek'èè wègaat'ù  
 ghògeèhnq sù eyi tideè lanu gà nàgeèhza,  
 Nòhtsì t'ìk'èetù goghàyyìlaa sù dagiale. <sup>3</sup> Nòhtsì  
 wecheekè Moses eyìts'ò Sahzòq gits'ò shì t'à geji,  
 hagedì,

“Gots'ò K'àowo t'asì negha dùi-le anet'e,  
 t'asì hazòq ghàlaneanà sù gogha eniyah  
 nechàa hq't'e.

Kèhòqwo gots'ò, welq whìle ts'ò t'aats'òq K'àowocho  
 anet'e,  
 eyìts'ò nenàowoò sù ehkw'ì zq hq't'e.

<sup>4</sup> Gots'ò K'àowo, dq hazòq nek'èagùt'e ha hq't'e  
 eyìts'ò neghàsogeedì ha.

Nì zq degai anet'e.

Ehkw'ì eghàlajdaa sù wek'èhoedzòq adlà ne t'à,  
 dq hazòq xàzaa nets'ò aget'ì xè neghàsogeedì  
 ha hq't'e,” hagedù geji.

<sup>5</sup> K'achì yak'e ts'ò k'èeht'ì ekò Nòhtsìkò-gocho  
 enixànùtq wègoèht'ì. Eyì kò-gocho sù “Nòhtsì  
 nàowoò gha nìhbàa nàìza” hq't'e. <sup>6</sup> Yak'èet'ù  
 lèhdì hoilà lèhdì wet'à dq dagùza ha dagiale  
 sù Nòhtsìkò-gocho gots'ò xàgeède. ?eh nedèe  
 degoo wek'e saidee yì geèhkw'e eyìts'ò zèht'ì  
 sòqmbaekwo lanu gidziwì te nawhet'ì. <sup>7</sup> T'asì  
 dì godì gots'ò mè sòqmbaekwo kw'àyìq lèhdì  
 yak'èet'ù lèhdì goghàyyìwa. Nòhtsì welq whìle  
 ts'ò edaa sù eyì kw'àyìq lèhdì weyì dq ts'ò  
 wek'èch'a dagoòzq whet'ì. <sup>8</sup> Nòhtsì eniyah t'à  
 nàtsoo wehòhzq gots'ò wekò gocho lo dagoòzq ajà.  
 Hoilà lèhdì dù nèk'e dq hazòq k'e ajà gots'ò, dq  
 wùzì Nòhtsìkò-gocho goyaetla ha dùi.



# 16

## *Sqòmbaekwo kw'àyìq lòhdì*

<sup>1</sup> Eyì t'axòqò Nòhtsìkò-gochò gots'ò yak'eet'ìì lòhdì ts'ò hòt'ò dū hats'edì họt'e, “Sqòmbaekwo kw'àyìq lòhdì dū nèk'e nałaaht'ì. Ayì weyì whet'ìì sù eyì t'à Nòhtsì dq nàehkwa ha,” hats'edì họt'e.

<sup>2</sup> Yak'eet'ìì t'akwelòqò elì sù edets'ò kw'àyìq dū nèk'e ts'ò nałayeèht'ì. Dq hazòqò tits'aadì nechàa wùzì gìk'e aat'èe sù eyìts'ò kwe wek'èè wègaat'ìì ts'ò nàgògùhgèe sù gìkaà lq ajà t'à sù dagùza.

<sup>3</sup> Yak'eet'ìì nàke t'à whedaa sù edets'ò kw'àyìq yì ayì whet'ìì sù tìcho k'e nałayeèht'ì t'à tìcho edoò whelì, dq elàwo wedoò lanì. Eyì hagòjà ts'ìh?ò tì yì t'asì nàdèe sù hazòqò elàdè.

<sup>4</sup> Eyì t'axòqò yak'eet'ìì tai t'à whedaa sù edets'ò kw'àyìq deh nechàa eyìts'ò dehtsoa ta nałayeèht'ì t'à tì edoò whelì. <sup>5</sup> Eyì t'axòqò yak'eet'ìì tì ts'ò k'àowo elì sù dū hadì weèkw'o:

“Whaà gots'ò nehòh?òqò eyìts'ò dū nehòh?òqò sù Nòhtsì degai anet'e.

Dū hanì t'asì wesìnyanehtì t'à ehkw'ì anet'e.

<sup>6</sup> Nets'ò dq eyìts'ò nakwenàò?òqò gidoò nałageèht'ì ts'ìh?ò dū hanì dq gìsìnyanehtì.

Ayì dàgùla k'èxa edoò gedq agùlà,” yak'eet'ìì hadì.

<sup>7</sup> Sqòmbaekwo ladà gots'ò dū hats'edì họt'e:

“Hèzè, Gonòhtsì, t'asì hazòqò negha dū-le anet'e.

Dànì dq gìsìnyanehtì sù ehkw'ì họt'e,” ts'edì họt'e.

<sup>8</sup> Yak'eet'ìì dì t'à whedaa sù edets'ò kw'àyìq sa k'e nałayeèht'ì. Sa wekò nàtsoo t'à dq k'èek'ò ha,

hanì weghàhòt'ò họt'e. <sup>9</sup> Sa sù whèkò t'à dọ gíkwo k'èek'ò ts'lhzò Nòhtsì ts'ò nàdahogeezà. Ayì t'à dọ dagùzaa sù Nòhtsì yets'ò K'àowo họt'e, hanìkò ɬàà edek'egùlì ha gùwọ-le eyits'ò Nòhtsì ghàsogeedi ha gùwọ-le.

<sup>10</sup> Yak'eet'ì sùlài t'à whèdaa sù edets'ò kw'àyìà tìts'aàdì nechèà wèdaèhchìcho k'e nałayeèht'ì. Tìts'aàdì nechèà wènek'e họt'saa gixè togoòt'ò agòjà. Dọ sù dagùzà t'à edewaliì k'ètsogìzà <sup>11</sup> eyits'ò gikaà lọ xè gìgha eya nàtso t'à Nòhtsì yak'e whèdaa sù ts'ò nàdahogeezà, hanìkò dànì eghàlagùdàa sù weghò edek'egùlì ha gùwọ-le.

<sup>12</sup> Eyì t'axòò yak'eet'ì ek'ètaì t'à whèdaa sù edets'ò kw'àyìà dehcho Euphrates gòyeh k'e nałayeèht'ì. Họt'saa tì hazòò whìle ajà xè dèè whègò. Dìi hagòjàa sù sa kàzàa nèk'e gots'ò k'àowocho nìgìdè ha gidasnìhòt'ò họt'e. <sup>13</sup> Eyì t'axòò mìnì t'ai ts'alì lanì gìgoèht'ì. Tìts'aàdìcho dek'oo wewà yì gots'ò ɬè xàèhtlà eyits'ò ɬè tìts'aàdì nechèà wewà yì gots'ò xàèhtlà eyits'ò ɬè nakwenàòzòò ehkw'ì gode-le wewà yì gots'ò xàèhtlà. <sup>14</sup> Eyì mìnì sù enìyah hogehtsì, eyits'ò dìi nèk'e k'àowocho hazòò ts'ò agejà. Nòhtsì t'asì wegha dìi-le sù wets'ò dzèdè k'e ełegegò ha k'àowocho hazòò ɬàà ełègehde agogùlì.

<sup>15</sup> Gots'ò K'àowo dìi hadì, “Kexoahdì! Eezì-dòò lanì họt'saa naxìts'ò nèèhtlà ha. Amì ts'igoedì xè edegoht'òò edegà whèhàa sù wèxè sìghà ha họt'e. Hanì-ìdè goht'ò dè edeghò ɬìzhaelì ha-le,” hadì.

<sup>16</sup> Eyì t'axòò eyì mìnì t'ai Hebrew yatì k'èè Ar-magedon gòyeh ekò k'àowocho hazòò ełègogùlì.

17 Eyɪ tʰaxòò yak'eet'ɲì lòhdɪ t'à elɪ sɪ edets'ò kw'àyɪɔ yat'a naɬayeèhtʰɪ ekò Nòhtsɪkò-gocho goyɪ daèhçhɪcho gots'ò hòtʰ'ò dɪ hats'edi hòt'e, “Hòt'a enahòt'e!” hats'edi hòt'e. 18 Ekòet'ɲì kò naitʰ'ɪ, hòtʰ'ò eezhɪ eyits'ò dèè hòtʰ'ò nàèhdò. Dɪ nèk'e dò ajà gots'ò hàtʰ'ò dèè nagoèhdò whìle. 19 Kògodeè Babylon tai ts'ò ɬats'ɪgoɪdɪ eyits'ò dɪ nèk'e kògodeè hazòò nàgoɪtʰ'ɪ. Nòhtsɪ sɪ Babylon got'ɲì gihohɪ yenadi t'à eyɪ k'èxa nàgoɪhkwa. Nòhtsɪ gots'ò wek'èch'a t'à hòtʰ'ò dagɪza ha goghàhòɪzò. 20 Dɪa hazòò whelaa sɪ whìle ajà eyits'ò shìh hazòò wègoèht'ɪ-le ajà. 21 Yat'a gots'ò ɲhlì nechàa dò k'e hodàetʰ'ò. Eyɪ ɲhlì sɪ ɲèakw'eènò haàtʰòò aɪhdaa dò k'e naitʰ'ɪ t'à sɪ dagɪza, eyɪt'à Nòhtsɪ ts'ò gich'è xè nàdahogeezà.

## 17

### *Ts'èko eyits'ò tits'aàdɪ nechàa*

1 Yak'eet'ɲì lòhdɪ kw'àyɪɔ lòhdɪ k'egelee sɪ ɲè segà nìitʰɪ, hadɪ, “Sek'èè ɲtʰɪ. Ts'èkoɲɪ tɪ lò k'e whedaa sɪ dànì daɪzaà awedle ha sɪ weghàɪdaà anehle ha. 2 Dɪ nèk'e k'àowocho hazòò eyɪ ts'èkoɲɪ xè hoɲɪ hogehtsɪ, eyits'ò dɪ nèk'e dò hazòò yenàowoò k'èè eghàlageeda gɪgha neɪɪ. Wets'ò ɲietɪɲ t'à geèhde lagɪt'e,” hadɪ.

3 Eyɪ tʰaxòò Yedàyeh Neɲɪ wedahxà yak'eet'ɲì ekɪ-ka nèk'e ts'ò naseèhtɪ. Ekò ts'èko tits'aàdɪ nechàa k'e wheda wègaat'ɪ. Eyɪ tits'aàdɪ nechàa sɪ wek'aàtsɪ dek'o-dezò hòt'e, Nòhtsɪ k'èch'a wɪzɪɲ lò gòhɲ sɪ hazòò wedzɪwɪ k'e aatʰ'è, eyits'ò wekwì lòhdɪ gòhɲ xè edè hoònò wek'e whela. 4 Eyɪ ts'èko goht'ò dek'o-dezòò yɪ wheda. Sòòmbaekwo

eyits'q sòmbakweè wek'e whela xè wek'e sajde. Eyí ts'èko sòmbaekwo libò dayaka. Eyí libò sù t'asìhù eyits'q wenàowoùù weyùù dagoòzò họt'e. <sup>5</sup> Wets'abee k'e wùzì dek'eèhtl'è, eyí wùzì sù wenits'eedì ha gogha dezhi. Wek'e dù hanì dek'eèhtl'è:

“Babylon kògodeè họt'e,

ts'èkojù hazòò gha gomò elì họt'e

eyits'q dù nèk'e dò hazòò yenàowojù k'èè geeda,”  
hanì dek'eèhtl'è.

<sup>6</sup> Eyí ts'èko sù Nòhtsì wets'q dò godoò edò t'à yeèhde wègaat'ì. Nòhtsì wets'q dò Zezì gìgha ehkw'ì adì t'à dagùza họt'e.

Eyí ts'èko weehzì ekò sù segha enùyah dù. <sup>7</sup> Eyit'à yak'eet'ùù sets'ò hadì, “Dànìghò sù negha enùyah dù? Eyí ts'èko eyits'q eyí tits'aadùù nechàa k'e whedaa sù ayùù gha agùt'ee sù nedaehsì ha. Eyits'q wekwì lòhdì eyits'q wedè hoònò wek'e whelaa sù eyí ghò nedaehsì ha. <sup>8</sup> Eyí tits'aadùù nechàa weneezùù sù eda ìlè, hanìkò dù èlajwo họt'e. Nòòde-ìdè dò èlajdèe k'è gòzòò gots'q xàetla ha, eyí t'axòò dèè wedìholè ha. Dù nèk'e dò lò eyí tits'aadùù nechàa ghàgeeda nùdè gìgha enùyah dù ha ne, eyí tits'aadùù nechàa sù eda ìlè, dù èlajwo họt'e, hanìkò k'achì naidà ha họt'e. Welò while ts'ò ts'eedaa enìhtl'è k'e gùzì dek'eèhtl'è-le sù agùt'e. Eyí enìhtl'è sù dèè hòèlì gots'q họt'e.

<sup>9</sup> “Eyí hazòò dàhodù-ahodù sù dò gòzòò gùmèdì welì. Tits'aadùù nechàa wekwì lòhdì sù shìh lòhdì gha họt'e, eyí sù ts'èko yek'e wheda. <sup>10</sup> Eyits'q eyí wekwì lòhdì sù k'àowocho lòhdì gha họt'e. Sùlài sù èlajdè, ìlè eda eyits'q ìlè ìlài k'àowocho ìhlè-le. K'àowocho whelì nùdè whaà-lea gots'ò zò k'àowo elì

ha họt'e. <sup>11</sup> Eyi tits'aàdì nechàa eda ìlè hanìkò dui elajwoosì eyi k'àowocho ek'èdì t'à whedaa elì họt'e. K'àowocho lèhdì gota gots'ọ họt'e, hanìkò wedihoè ha họt'e.

<sup>12</sup> “Eyi tits'aàdì nechàa wedè hoònọ weneezì sù k'àowocho hoònọ gha họt'e. Ilaa dèè ts'ọ k'àowo gùlì-le. Hanìkò ìlè sadzeè gots'ọ tits'aàdì nechàa xè k'àowo gùlì ha gìghàhòt'à ha họt'e. <sup>13</sup> Hazọọ gini ìlè zọ lagùt'e ha, gìdahxà tits'aàdì nechàa k'àowo elì agele ha. <sup>14</sup> Sahzọọ ts'ọ elegegọ ha, hanìkò Sahzọọ goghọehnè ha. Ededì sù k'àowo hazọọ gha K'àowo elì eyits'ọ k'àowocho hazọọ gha K'àowocho elì. Eyi Sahzọọ wecheekeè gìhchì xè weyatù k'ègedì sù wexè agùt'e,” yak'eet'ì hasèhdì.

<sup>15</sup> Eyi t'axọọ yak'eet'ì sets'ọ hadì, “Eyi tì lọ ts'èkojù yek'e whedaa sù dui nèk'e dọ lọ lanì họt'e, dọ lọ xàzaa eyits'ọ yatì hazọọ xàzaa gots'ọ agùt'e.

<sup>16</sup> Eyi tits'aàdì nechàa eyits'ọ edè hoònọ weneezì sù eyi ts'èkojù dzagùhwhọ ha. Wekwòọyaà-geleè xè goht'ọ dẹ whedaà agele ha. Wekwò geza xè kò t'à gik'eehk'ọ ha. <sup>17</sup> K'àowocho haget'ì sù Nòhtsì hanì goinì whehtsì t'à gik'èè eghàlageedaà aget'ì. Eyi tits'aàdì nechàa sù edet'axọọ k'àowo elì agele ha. Nòhtsì weyatù k'èè agode gots'ọ haget'ì ha họt'e. <sup>18</sup> Ts'èkojù weneezì sù kògodeè Babylon họt'e, eyi kògodeè sù dui nèk'e k'àowocho hazọọ ts'ọ k'àowo họt'e,” yak'eet'ì sets'ọ hadì.

## 18

### *Kògodeè Babylon hodàèt'ì*

<sup>1</sup> Hagòjà t'axọọ yak'e gots'ọ yak'eet'ì eyi-le hodàèhtla wègaat'ì. K'àowocho nàtsoo elì k'èè

weghàhòt'ò. Sìì weghò enìyah xè wek'e saıdı t'à dıı nèk'e hazòò dzèh agòjà. <sup>2</sup> Hòt'ò ezeh xè hadı:

“Kògodeè nàıt'ı! Kògodeè Babylon hodàèt'ı. Eyı kògodeè gòlaa sıı ıñıı nàdè ajà. ıñıı ıò ekò agèt'ı, t'asıı wejıı k'edèè sıı hazòò ekò agèt'ı.

<sup>3</sup> Dò hazòò xàzaa eyı ts'èkojıı wets'ò jıetı gıadò xè wenàowojıı k'èè eghàlagıdà. Dıı nèk'e ts'ò k'àowochò gıxè hoıı hogèhtsı eyıts'ò dıı nèk'e ts'ò k'aàwı yets'ò t'asıı wèdaat'ıı t'à ahxe gehlè,” yak'eet'ıı hadı ezeh.

<sup>4</sup> Eyı t'axòò yak'e gots'ò k'achı dıı hats'edıı eèkw'o: “Sèot'ıı, Babylon gots'òò xàehdè. Hanı-ıdè eyı ts'èko wenàowojıı k'èè aahda ha nıle eyıts'ò wexèht'eè daahza ha nıle. <sup>5</sup> Shıh nechàa lanı wenàowojıı hazòò yak'e ts'ò ełeka dawhela. Eyı ts'èko hoıla hòèhtsıı sıı Nòhtsı yenadı họt'e. <sup>6</sup> Dànı dò ts'ò eghàlaıdà sıı hanı wets'ò eghàlaahda. Dànı eghàlaıdà k'èxa nàke laàtłòò wets'ò eghòlaahda. Welıbò gots'ò nàekeè wegħa deyaahı'ı. <sup>7</sup> T'asıı wèdaat'ıı ıò xàzaa wets'ò t'à ahxe k'èè nàdè adııdlà. Eyı t'aànı enıyah xè ahxe k'èè ıdà xèht'eè daıza xè wedzeè nàııtı aweahle. Edeghò xàhodı gode, edets'ò hadı, 'Ts'èko-k'àowo aht'e t'à daèhchıcho k'e whıhda. Ts'èko wedòò wegà ełajwo aht'e nıle eyıts'ò sedzeè nàııtı hoıı ha nıle, edets'ò hadı. <sup>8</sup> Eyı k'èxa ıè dzèè k'e hòtsaa daızaà awedle ha. Wets'ò dò ełàade ha, wedzeè nàııtı ha eyıts'ò wegħa bò whıle agode ha. Kò t'à wek'èek'ò ha, Gonòhtsı t'asıı wegħa dıı-le sıı yesıniyaehtı ha họt'e.

<sup>9</sup> “Dıı nèk'e k'àowochò yexè hoıı hogèhtsı xè wets'ò t'asıı wèdaat'ıı ıò t'à ahxe gehlèè sıı gıghàeda ha họt'e. Wek'èek'ò ts'ò ıò gıghàeda t'à gıdzeè

nàniṭi xè wegho getse ha họt'e. <sup>10</sup> Eyī ts'èkoju sī hòt'ò daiṛa t'à k'àowocho sī geejì agede ha. Nīwà gots'ọ gighàeda ha, getse xè dū hagedi ha:

'Hoila hodeè! Heè, kògodeè Babylon wegho enihoḍyah ne là! Kògodeè nàtsoo elī ìlè, hanikò ìlè sadzeè zọ t'à wexè hoila agòjà!' gedū getse ha.

<sup>11</sup> "Dū nèk'e ts'ọ k'aàwī gūlū sī t'asī gigho nàedi-le agòjà t'à kògodeè ghọ hòt'ò getse ha. <sup>12</sup> T'asī dū hanū gigho nàedi ìlè: sọmbaekwo, sọmba degoo, sọmbakweè; eht'ì dètì; jìechochū gots'ọ dechikàà nezū, tìts'aàdìcho weghò t'à t'asī hòèlū, dechikàà dètì t'à t'asī hòèlū, satsọ dekwoo t'à t'asī hòèlū, satsọ nedàa t'à t'asī hòèlū eyits'ọ kwe wèdaat'ū t'à t'asī hòèlū. <sup>13</sup> Eyits'ọ dūts'īa lọ xàṛaa, wet'à lọ lekọọ dèk'ọọ xàṛaa, yìk'eet'òo, jìetì, tleh wet'à bọ xàet'èe, lè nezū, ejie eyits'ọ sahzọa, tìcho webekhū xè, eyits'ọ dọ sī gigho nàedi ìlè.

<sup>14</sup> "Eyī k'aàwī gūlū sī ts'èkoju ts'ọ dū hagedi ha, 'Jìecho nezà ghaiwī ìlè sī neghọ whìle ajà. Eyits'ọ t'asī dètì hazọọ nets'ọ ìlè sī neghọ whìle ajà, eyī hazọọ naneet'ì ha nīle,' hagedi ha. <sup>15</sup> Eyī ts'èkoju wets'ihzọ k'aàwī gūlū sī t'asī lọ gigho nàedi t'à ahxe gehlè ìlè. Hanikò ts'èkoju sī hòt'ò daiṛa t'à k'aàwī gūlū sī hòt'ò geejì ha. Nīwà gots'ọ gighàeda ha eyits'ọ gidzeè t'à gigha dīi xè gighọ etse ha.

<sup>16</sup> Gezeh xè hagedi ha:

'Hoila hodeè! Heè, kògodeè Babylon wegho enihoḍyah! Eyī ts'èko goht'ọ dek'oo dètì xè wèdaat'ū yī wheda ìlè eyits'ọ sọmbakweè xè sọmbaekwo t'à t'asī hòèlū t'à-at'ì ts'ihzọ wek'e sajde ìlè! <sup>17</sup> Hanikò ìlè sadzeè zọ t'à t'asī dètì hazọọ wedihòh,' k'aàwī hagedi gehze ha.

“Elàcho ts'ò k'àowo hazòò tı k'e ts'ò geèlɪ sɪ, eyıts'ò dɔ hazòò elàcho yɪ geèhk'w'ee sɪ, eyıts'ò elàcho k'ègedı gɪlɪ sɪ nıwà gots'ò Babylon ghàgeeda ha. <sup>18</sup> Eyı ts'èko wek'ee'k'ò gıghàeda nıdè dı hagedı ha, 'Eyı kògodeè wexèht'eè gòlè wıle,' hagedı ha. <sup>19</sup> Ehtl'è edekwı k'e ts'ò geehdè xè getse ha, weghò gıdzeè nàntı xè hagedı ha:

'Hoıla hodeè! Heè, kògodeè Babylon weghò enıhoòyah ne là! Dɔ hazòò tıdè k'e elàcho t'à jhnòò t'ası eghògeele sɪ eyı ts'èko wets'ò t'ası t'à ahxe gehè jè. Hanıkò jè sadzeè zò t'à eyı ts'èko t'ası wızzı wets'ò-le awııdlà!' gedı gezeh ha. <sup>20</sup> 'Naxı yak'e dahkw'ee sɪ eyı ts'èko wets'ò dãnàhòwo ts'ıhòò naxınà welè. Naxı hazòò Nòhtsı wets'ò dɔ aahı, wecheekeèdeè eyıts'ò nakwenàòzòò aahı sɪ naxınà welè! Eyı ts'èkoju dãnı naxıts'ò eghàladà k'èxa Nòhtsı yesınıyaehı hót'e,'” hats'edı hót'e.

<sup>21</sup> Eyı t'axòò yak'ee't'ı nàtsoo kwe nechàa be-hchıkè lahcho neyııchı gà teyııhk'ah, hadı,

“Kògodeè Babylon weghò enıyah sɪ dãnı hodàèt'ı eyı lanı hodàgoet'ı ha. K'achı wenagot'a ha nıle. <sup>22</sup> Kògodeè ekò enıhtl'èju dedı ets'ıkw'o ha-le. Ekò dɔ wızzı t'ık'ee'tı eyıts'ò dechıshı t'à sɔnàwo ha-le. Dechı-eghàlaedaa-dòò, satsò-eghàlaedaa-dòò eyıts'ò ehtl'ı-gehtsı-dòò hanı gıts'e'zı ha-le. Kwe wet'à lè nàts'eèdee sɪ wenats'ıkw'o ha-le. <sup>23</sup> Ekò ek'aèk'ò wızzı k'achı dèk'òò ha-le. Ekò dɔzhı eyıts'ò ts'èko honıgedè ha-le. Kògodeè Babylon gots'ò k'aàwı sɪ dı nèk'e gogha dɔ wet'àazàa deè gıı jè. Eyı ts'èkoju wet'à dɔ hazòò xàzàa



gìghoyahoòt'ò t'à ts'ìzò geède. <sup>24</sup> Eyì kògodeè sìn nakwenàozòò, Nòhtsì wets'ò dọ eyits'ò dọ hazòò ẹlàngùdèè sìn gidoò goyì wègaat'ì họt'e," yak'eet'ì hadì.

## 19

### *Aleluya!*

<sup>1</sup> Eyì t'ìaxòò yak'e gots'ò dọ ọ ẹlẹxè gezeh lagodì, dù hagedì,

“Aleluya! Nòhtsì ededì zọ dọ edaxàgole họt'e, t'asì wegħa dùi-le, eyits'ò wegħàsòts'eedì ha họt'e. <sup>2</sup> Dànì dọ sìnìyaehtì sìn ehkw'ì họt'e. Eyì ts'èkojì dù nèk'e dọ xè hojì k'èè eghàlajà sìn yesìnìyajhtì họt'e. Nòhtsì wecheekeè ẹlàngòìhdè k'èxa Nòhtsì nàyìhkwa họt'e,” hagedì.

<sup>3</sup> K'achì gezeh xè dù hagedì,

“Aleluya! Eyì ts'èkojì wek'èek'ò gots'ò ọ wẹlọ whìle ts'ò ọdò deekw'e ha,” gedi.

<sup>4</sup> Qhdah naènq-daats'ò-dì eyits'ò t'asì dì godì sìn Nòhtsì daèhchìcho k'e whedaa sìn gà nàgògùhgè eyits'ò gìghàsòedì, hagedì, “Amen, Aleluya!” gedi.

<sup>5</sup> Eyì daèhchìcho gots'ò dù hats'edi họt'e:

“Naxì hazòò wecheekeè yàahjì sìn, naxì hazòò wek'èaht'ee sìn, eyits'ò dọ wet'àazàà, wet'àazà-le yàahjì sìn Gonòhtsì wegħàsòahdì,” hats'edi họt'e.

<sup>6</sup> Eyì t'ìaxòò k'achì yak'e gots'ò dọ ọ ẹlẹxè gezeh lagodì, deh nàtsoo sì lagodì eyits'ò hòt'ò eezhì sì lagodì. Gezeh xè dù hagedì,

“Aleluya! Gonòhtsì t'asì wegħa dùi-le sìn ededì zọ t'asì hazòò ts'ò K'àowo họt'e! <sup>7</sup> Goìnà xè wegħàsòts'eedì welè! Hòt'a Sahzọà honìda ha nìhòqwo; ts'èko ìhchì ha sìn hòt'a sedììdlà họt'e.

<sup>8</sup> Ehtl'ı degoo wèdaat'ıı yeyı wheda ha weghòchì họt'e," hagedı gezeh.

(Ehtl'ı degoo wèdaat'ıı sı Nòhtsı wets'ọ dọ ehkw'ı eghàlagıdà gha họt'e.)

<sup>9</sup> Eyı t'axòọ yak'eet'ıı sets'ọ hadı, “Dıı dek'enııtl'è: ‘Amıı eyı sahzòą honıdza wets'ọ nàsı nàgedè ha gıxayaetıı sı gıxè sıghà họt'e,’ ” sets'ọ hadı. K'achı sets'ọ hadı, “Dıı sı xàè Nòhtsı weyatıı họt'e,” hadı.

<sup>10</sup> Yak'eet'ıı hadı t'à wekè gà nàgòhge xè weghàsòehdı ha là, yak'eet'ıı sets'ọ hadı, “Hawııdele! Nı eyıts'ọ nèot'ı Zezı wegodıı ehkw'ı adı gııwòọ sı naxıxèht'èè Nòhtsı wecheekè aht'e. Nòhtsı weghàsòedı! Nòhtsı wets'ọ nakwenàoızòọ hazòọ sı Zezı wegodıı zọ t'à gogede họt'e,” sets'ọ hadı.

### *Amıı tıcho degoo t'à-at'ıı sı*

<sup>11</sup> Yak'e enıxànııtọ wègoèht'ı ekò senadaą tıcho degoo nàwo. Eyı tıcho t'à-at'ıı sı dıı hawııyeh: “edeyatıı k'èdıı” eyıts'ọ “ehkw'ı họt'e” wıyeh. Edeđı sı ehkw'ı dọ sınıyaehtı eyıts'ọ nàowo ehkw'ıı k'èè eghọ. <sup>12</sup> Wedaà kò dèk'òọ lanı wègaat'ı eyıts'ọ wekwı k'e sọm̄baekwo kwıt'ıı ıọ whela. Wızı wek'èèht'è, hanıkò dọ wızıı yek'èezọ-le; edeđı zọ yek'èezọ họt'e. <sup>13</sup> ?eh nedèe edoò ta adlää yı wheda eyıts'ọ wızı “Nòhtsı weyatıı” wıyeh. <sup>14</sup> Yak'e gots'ọ eghòọ-dòọ gık'èè k'edè. Tıcho degoo t'à-aget'ı eyıts'ọ ?eh degoo wèdaat'ıı yı geèhkwe. <sup>15</sup> Eyı dọ gık'èè giadèe sı behcho dèıı wewà gots'ọ xàıza. Yet'à dıı nèk'e dọ hazòọ ghòehnè ha. “Eyıts'ọ satsò-geh t'à dọ hazòọ ts'ò K'àowo elı ha.” Nòhtsı t'asıı

wegha dii-le sù wek'èch'a t'à, t'òhcho yì t'asù whe-laa sù tàts'oyeèhze ha. <sup>16</sup> Wezeè nedèe k'e eyits'ò wedzaà k'e wùzì dek'eèht'è:

“K'àodèe ts'ò K'àowo, k'àowocho hazòò gha K'àowocho,” dek'eèht'è.

<sup>17</sup> Eyì t'axòò sa k'e yak'eet'ì nàwo weehzì. Yat'a t'asù hazòò k'edèe sù ts'ò hòt'ò du hadì, “N'òhtsì wenàsìdeè gha elèwhahde. <sup>18</sup> K'àowocho gikwò, eghòò-dòò gha k'aodèe gikwò, dò wet'àazàa gikwò, t'òhcho eyits'ò dò gik'eèhk'w'ee sù gikwò ghò shèahzhe ha. Dò edets'ò k'agedèe eyits'ò dò edets'ò k'agedèe gikwò eyits'ò dò wet'àazàa eyits'ò dò wet'àazàale gikwò, dòkwò hazòò ghò shèahzhe ha,” yak'eet'ì gòhdi.

<sup>19</sup> Eyì t'axòò tìts'aadì nechèa eyits'ò du nèk'e gots'ò k'àowocho hazòò gits'ò eghòò-dòò xè l'aa nègìde gìgoèht'ì. Amì eyì t'òhcho degoo k'e whedaa sù wets'ò eghòò-dòò xè gots'ò elegegò. <sup>20</sup> Hanìkò tìts'aadì nechèa dagìachì eyits'ò wets'ò nakwenàòzòò ehkw'ì gode-le sù eyì sì dagìachì. Eyì nakwenàòzòò sù tìts'aadì nechèa dahxà enìyah hòèhtsì t'à dò l'ò tìts'aadì nechèa wùzì gik'e whezòò eyits'ò kwe wek'èè hòèl' ts'ò nàgògìhgèe sù ts'ìzò geèdeè agòòlà. Eyì tìts'aadì nechèa eyits'ò wets'ò nakwenàòzòò-ìì l'aa geeda et'ì, kwe dèk'òò ta ts'ò gogeèhde. <sup>21</sup> Eyì t'òhcho degoo k'e whedaa sù wewà gots'ò behcho xàzàa t'à k'àowocho eyits'ò gits'ò eghòò-dòò hazòò el'aa gòòhde. Yat'a k'edèe sù dòweè k'enìl'aa ts'ò hodàgìde gà gìbò dagoòzòò ts'ò dòkwò ghò shègìazhe.

### *Ìlè-lemì xo*

<sup>1</sup> Eyí t'axòò yak'e gots'ò yak'eet'ìì hodàetlè wègoèht'ì. Ìzhùì dèè goyìì gòòzàa gha ladlì k'èza, eyits'ò satsòt'ìì nechàa k'ele. <sup>2</sup> Eyí yak'eet'ìì tits'aàdìcho dek'oo daachì. Eyí tits'aàdìcho sù inèè whaà gots'ò gòochò họt'e eyits'ò wehùù họt'e. Ìlè-lemì xo gots'ò wek'èhodì ha t'à yak'eet'ìì dayeèzà. <sup>3</sup> Ìzhùì dèè goyìì gòòzàa ekò goyìì yùhxà gà wets'òdaadoò ayìlà. Dò wùzì yets'ò enìxàechì ha-le ayìlà. Eyit'à ìlè-lemì xo gots'ò eyi tits'aàdìcho dek'oo sù dò hazòò xàzàa ts'ìzò geedè agole ha-le. Eyí t'axòò nùdè whaà-lea ts'ò xàetlāà agele ha.

<sup>4</sup> Eyí t'axòò dàèhchìcho lò wègoèht'ì, dò sùnyagehtì ha gìghàhòt'òò sù gik'e dèhkw'e. Eyits'ò dò lò gidàazhùì senadaà wègoèht'ì. Zezì wegodù eyits'ò Nòhtsì weyatù t'à gogede k'èxa gikwì k'egùhkàa sù agùt'e. Tits'aàdì nechàa eyits'ò kwe wek'èè hòèlì ts'ò nàgògùhgè-le eyits'ò gits'abeè eyits'ò glà k'e tits'aàdì nechàa wùzì dek'eèht'è-le agùt'e. Eyí dò hazòò nagidà, eyits'ò ìlè-lemì xo gots'ò Christ wexè k'aodèe gùlì. <sup>5</sup> (Dò eyù-le elàidèe sù ìlè-lemì xo wek'ehowì gots'ò nagidà-le.) Eyí sù t'akwèlòò dò nagidà agùt'e. <sup>6</sup> Eyí t'akwèlòò dò nagidàa sù degai agùt'e eyits'ò gixè sìghà agòht'e. K'achì elàagùde ha nùle, hanìkò Nòhtsì wets'ò yahtù gùlì ha eyits'ò ìlè-lemì xo gots'ò wexè k'àowo gùlì ha.

### *Wehùù wegaha hoìla nechà ha*

<sup>7</sup> Ìlè-lemì xo k'ehòowo nùdè wehùù sù wedaàniìtò ts'ò xàetlāà agele ha. <sup>8</sup> Dù nèk'e hazòò ts'ò wek'eèhoowo ha, dò hazòò xàzàa goghoyeèzà t'à elègegò gha elègoowa ha. Eyí dò xàzàa agole ha sù

Gog eyits'q Magog giyeh. Tabàa ewaà dàtlòq sù dọ wexètłọ họt'e. <sup>9</sup>Dọ elèwhedee sù dı nèk'e hazòq ts'q geède. Kògodeè Nòhtsı wets'q dọ nàgedèe sù, eyı kògodeè Nòhtsı yeghòneètq sù, wemqò nègıde, hanikò yak'e gots'q kò hodàetł'ı t'à eyı dọ xàzaa hazòq gık'enıık'q. <sup>10</sup>Eyits'q wehıı goghòyaàzq sù kwe dèk'òq ta ts'q geèhxà. Ekq tits'aadı nechàa eyits'q wets'q nakwenàozq ehkw'ı gode-le sù ekq gogeèhde ıle. Welq while ts'q dze eyits'q to hòtł'ò dagıza ha.

### *Dọ elıdèe sù gısınıyaeti ha*

<sup>11</sup>Eyı tı'axqò dàehchıcho degoo eyits'q amıı yek'e whedaa sù wègoèht'ı. Dèe eyits'q yat'a wech'à kwıgeèhdeè lagejà, gıgha gòzq-le t'à. <sup>12</sup>Eyits'q dọ elıdèe sù gıgoèht'ı. Dọ wet'aaazàa eyits'q dọ wet'aaazà-le hazòq eyı dàehchıcho degoo gà nàgeèhza. Enıhtł'ècho mòhdaa ts'qdaà xàaza wègaat'ı, eyits'q k'achı enıhtł'è ıle wets'qdaà xàatq. Eyı enıhtł'è wek'e dọ welq while ts'q geeda gha guzı dek'eèhtł'è. T'akwelòq enıhtł'è whelaa wek'e ayıı dek'eèhtł'èe sù eyı weghàà dọ elıdèe sù gısınıyaeti họt'e. <sup>13</sup>Tıcho yıı ts'q eyits'q dọ elıdèe k'èhodıı gots'q dọ hazòq elıdèe sù xàgıde. Dọ hazòq ayıı hogèhtsıı sù weghàà gısınıyaeti họt'e. <sup>14</sup>Eyı tı'axqò elıàats'edee eyits'q dọ elıdèe k'èhodıı k'è gòzq sù kwe dèk'òq ta ts'q gogeèhde. Eyı kwe dèk'òq whehtq sù nàekeè t'à elıàats'ewı gha họt'e. <sup>15</sup>Amıı eyı enıhtł'è wek'e dọ welq while ts'q geeda gha guzı dek'eèhtł'è-le sù kwe dèk'òq ta ts'q gogeèhde họt'e.

## 21

### *Kògodeè Jerusalem wegòò*

<sup>1</sup> Eyí t'axòò yak'e wegòò eyíts'ò dèè wegòò wègòèht'ì. T'akwelòò gots'ò yak'e eyíts'ò dèè sɪ while ajà, eyíts'ò tɪcho sɪ while ajà. <sup>2</sup> Yak'e gots'ò Kògodeè Degai ɪzhùì ajà wègaat'ì. Kògodeè wegòò Jerusalem, Nòhtsɪ gots'ò ɪzhùì ajà. Ts'èko dɔzhì xè honìda ha goht'ò wèdaat'ù yì wheda lanì eyí kògodeè wèdaat'ì. <sup>3</sup> Daèhchɪcho gots'ò hòt'ò dɪ hats'edù hɔt'e, "Jò gots'ò ɪdaà Nòhtsɪ dɔ ta nàdè ha t'à wekò dɔ nɪ whezɔ ha. Wets'ò dɔ gɪlɪ ha, Nòhtsɪ ededɪ goxè nàdè ha, eyíts'ò Gonòhtsɪ elɪ ha hɔt'e. <sup>4</sup> Gonatì hazòò deedɪ ha. K'achɪ dɔ ɛlaàde ha-le, gɪdzeè nàníti ha-le, getse ha-le eyíts'ò gɪkwò eya ha-le, ɪnèè dànì hòɪzàa sɪ hagòht'e-le agòjà ne t'à," hats'edù hɔt'e.

<sup>5</sup> Eyí daèhchɪcho k'e whedaa sɪ hadɪ, "T'asì hazòò wegòò ahle ha!" eyíts'ò sets'ò hadɪ, "Eyí hazòò dek'enìt'è, dɪ yatɪ sɪ hotì ehkw'ì hɔt'e eyíts'ò weghàà aahda ha hɔt'e."

<sup>6</sup> Eyíts'ò sets'ò hadɪ, "Hòt'a enahòt'e. Yatɪ t'akwelòò aht'e eyíts'ò yatɪ nòode aht'e; kèhòòwo ts'ò sehòhɔ eyíts'ò nòode ts'ò sehòhɔ. Amì tɪ ghaewɪ sɪ t'asì k'èxa-le tɪ wet'à ts'eedaa weghàehdɪ ha. <sup>7</sup> T'aa hòhɪ ghò hoehnèè sɪ eyí hazòò weghòzhe ha hɔt'e. Wenòhtsɪ ehɪ ha eyíts'ò ededɪ seza elɪ ha. <sup>8</sup> Hanìkò dɔ gɪnì nàtso-le sɪ, dɔ ehkw'ì-ahodɪ gɪwɔ-le sɪ, dɔjɪ, dɔ ɛlaàgehdee dɔò, hòhɪ k'alagedèe dɔò, ɪk'òò gɪlɪ, kwe t'à nòhtsɪà hòèlɪ ts'ò yagehtɪ, eyíts'ò hots'ì-dòò, hazòò kwe dèk'òò whehtɔ weta ts'ò agedle ha. Nàekeè t'à ɛlaàgede ha," sets'ò hadɪ.

9 Yak'eet'ụ̀ ị̀hđđ kw'àyị̀yị̀ yì wèt'à hoila dagoòzọ dagiale ị̀lèè sị k'achị geehzi. Yak'eet'ụ̀ ị̀lè sets'ọ̀ ajà, hasèhđ, "Sek'èitlā. Eyì ts'èko sahzọ́à xè honida ha sị weghàdaà anehle ha," sèhđ. 10 Yedāyeh Nezi wedahxà yak'eet'ụ̀ shìh danụ̀chàa ts'ọ̀ naseèhtị. Yak'e gots'ọ̀ Kògodeè Degai ị̀zhuì ts'ọ̀ ajà weehzi asị̀lā. Kògodeè Jerusalem họt'e, Nòhtsị gots'ọ̀ ị̀zhuì ajà. 11 Nòhtsị wets'ọ̀ eniyah deè eyi kògodeè k'e saıdị. Sọ̀mbakweè dètì lanì wèdaat'ị̀, eyits'ọ̀ eja sị lanì wenụ̀daà xègaat'ị̀. 12 Eyì kògodeè wemọ̀ọ kwị danụ̀chàa nawheza. Eyì kwị sị dekòo xè dagoqwa họt'e. Eyì kwị wek'e eniṭọ̀ hoònọ-daats'ọ̀-nàke whela eyits'ọ̀ yak'eet'ụ̀ hoònọ-daats'ọ̀-nàke eniṭọ̀ k'ègedì. Eyì eniṭọ̀ k'e Israel got'ụ̀ gots'ọ̀ dọ hoònọ-daats'ọ̀-nàke xàzaa guị ị̀ sị guzi dek'eèht'è. 13 K'àbatsọ̀ọ̀ ts'ọ̀nèè eniṭọ̀ tai whela, chik'è ts'ọ̀nèè eniṭọ̀ tai whela, sazi ts'ọ̀nèè eniṭọ̀ tai whela eyits'ọ̀ dā́ ts'ọ̀nèè eniṭọ̀ tai whela. 14 Eyì kògodeè wemọ̀ọ kwị danụ̀chàa nı̀zaa sị wets'ọ̀ yiet'aa hoònọ-daats'ọ̀-nàke họt'e. Eyì yiet'aa whelaa wek'e sahzọ́à wecheekeèdeè hoònọ-daats'ọ̀-nàke guzi dek'eèht'è.

15 Eyì yak'eet'ụ̀ sets'ọ̀ godee sị wèt'à idzàa sọ̀mbaekwo t'à hòlụ̀ k'eza. Eyì wèt'à kògodeè wemọ̀ọ kwị danụ̀chàa nawheza, eniṭọ̀ eyits'ọ̀ kògodeè dàhchoo sị yexèzìhdzà ha k'eyeza. 16 Kògodeè wedzi dı̀ gòhı; dàhdoo sị wexènihkò. Yak'eet'ụ̀ eyi sọ̀mbaekwo dechị t'à kògodeè xèzìhdzà ekò ị̀lè-lemi-daats'ọ̀-sılàekw'eènọ echị haıhdo họt'e nọ̀, eyits'ọ̀ hanıhkò xè hadagoqwa họt'e. 17 Kwị danụ̀chàa yexèzìhdzà ekò nàkeakw'eènọ-daats'ọ̀-hoònọ-daats'ọ̀-ek'ètai gokè hanıhtọ̀ họt'e. Dànì dọ t'asị̀ xègìhdzà k'èè

yak'eet'ɲì yexèʔihdzà. <sup>18</sup> Eyɪ kwɲì danɲichàa sɪ sòmbakweè wèdaat'ɲì t'à hòèlɪ eyɪts'ɔ eyɪ kògodeè sòmbaekwo wedeèdlɲì wek'e saɪde t'à hòèlɪ. <sup>19</sup> Eyɪ kògodeè wemɔ̀ò kwɲì danɲichàa nɪzàa sɪ wets'ɔ yìetl'aà sòmbakweè wèdaat'ɲì hazòò xàzàa t'à hòèlɪ. T'akwelò̀ò yìetl'aà whetɔ̀ò sɪ sòmbakweè wek'e saɪdlɲì t'à hòèlɪ, wek'èè yìetl'aà whetɔ̀ò sɪ kwe dèhtl'èè t'à hòèlɪ, tai t'à yìetl'aà whetɔ̀ò sɪ sòmbakweè ɲ't'ò t'à hòèlɪ, dɪ t'à yìetl'aà whetɔ̀ò sɪ sòmbakweè ɲ't'ò-degoo t'à hòèlɪ, <sup>20</sup> sɪlài t'à yìetl'aà whetɔ̀ò sɪ sòmbakweè dek'o-dezɔ̀ò t'à hòèlɪ, ek'ètai t'à yìetl'aà whetɔ̀ò sɪ sòmbakweè ejiedoò t'à hòèlɪ, l'òhdɪ t'à yìetl'aà whetɔ̀ò sɪ sòmbaekwokweè lanu t'à hòèlɪ, ek'èdɪ t'à yìetl'aà whetɔ̀ò sɪ sòmbakweè ɲ't'ò-dèhtl'èè t'à hòèlɪ, l'òt'ò t'à yìetl'aà whetɔ̀ò sɪ sòmbakweè dekwoò t'à hòèlɪ, hoònɔ̀ t'à yìetl'aà whetɔ̀ò sɪ sòmbakweè ɲ't'ò-dezɔ̀ò t'à hòèlɪ, hoònɔ̀-daats'ò-ɲè t'à yìetl'aà whetɔ̀ò sɪ sòmbakweè ɲ'jek'oò lanu t'à hòèlɪ, eyɪts'ɔ hoònɔ̀-daats'ò-nàke t'à yìetl'aà whetɔ̀ò sɪ sòmbakweè dèhtl'è-dezɔ̀ò t'à hòèlɪ. <sup>21</sup> Enɲìt'ò hoònɔ̀-daats'ò-nàke sɪ sòmbakweè degoo wèdaat'ɲì t'à hòèlɪ, enɲìt'ò ɲè z'ò kò sòmbakweè degoo ɲè z'ò t'à hòèlɪ. Kògodeè goni tɲì nɪzàa sɪ sòmbaekwo deèdlɲì t'à hòèlɪ eyɪts'ɔ eja lanì wenɲìdàà xègaat'ɲì.

<sup>22</sup> Eyɪ kògodeè goni N'òhtsɲkò-gocho wègaat'ɲì-le, Gon'òhtsɲ t'àsɲì wegħa dɲì-le sɪ eyɪts'ɔ Sahzòà gogħa N'òhtsɲkò-gocho lagɲt'e t'à. <sup>23</sup> Eyɪ kògodeè sɪ N'òhtsɲ wets'ɔ enɲìyah deè wek'e saɪdɪ t'à sa eyɪts'ɔ adzèzah wek'e daazà-le kò t'asanìle. Hazòò ts'ò wek'e dzèħ ag'òht'e eyɪts'ɔ Sahzòà sɪ gogħa



ek'aèk'ò dèk'òò elì lanì. <sup>24</sup> Dò hazòò xàʔaa wets'ò dzèh nùdù weghàà k'egedè ha, eyits'ò dù nèk'e k'àowocho t'asì wèdaat'ù gits'ò xè eyì nègedè ha. <sup>25</sup> To agode ha nùle t'à, eyì kògodeè wets'ò enìtò sù eneèdo hòlì ha nùle. <sup>26</sup> Dò hazòò xàʔaa deʔòò t'asì gìgha wet'àaʔaa sù eyì kògodeè ts'ò agele ha. <sup>27</sup> T'asì wejù sù eyì kògodeè ts'ò adle ha-le, eyits'ò dò wùzì hòlì hohtsù xè hots'ì godee sù eyì kògodeè goyaetla ha-le. Dò welò while ts'ò geeda xè Sahzòà wenjht'è k'e gùzì dek'eèht'èè sù eyì kògodeè goyagedè ha.

## 22

### *Deh nɪʔaa ts'ò tɪ wet'à ts'eeda*

<sup>1</sup> Eyì t'axòò yak'eet'ù deh nɪʔaa ts'ò tɪ wet'à ts'eedaa sù weghàehdaà asìllà. Eyì tɪ sù eja lanì wenùdàà xègaat'ì eyits'ò Nòhtsì wedaèhchìcho gots'ò eyits'ò Sahzòà sɪ gots'ò tɪ nùlì hòt'e. <sup>2</sup> Eyì kògodeè tɪlì-deè nɪʔaa tanì deh nùlì. Eyì deh nɪʔaa sù webàa jla-ts'ò ts'ì wet'à ts'eedaa nàwheʔa. Eyì ts'ì wek'e xo taat'eè hònò-daats'ò-nàkèè wek'e jìecho dehshe, sa taat'eè wek'e jìecho dehshe. Eyits'ò ts'ì wets'ò it'òà t'à dò hazòò xàʔaa k'aat'ù agede gha hòt'e. <sup>3</sup> Ekò dò wùzì dàʔa gha wesìniyaetì ha nùle. Nòhtsì eyits'ò Sahzòà gidaèhchìcho eyì kògodeè wheʔò ha eyits'ò wecheekè gìgha eghàlaeda ha. <sup>4</sup> Nòhtsì winì geʔì ha eyits'ò gits'abeè k'e wùzì dek'eèht'èè ha. <sup>5</sup> To agode ha nùle. Nòhtsì ededì sù gok'e daaʔa ha ne t'à, dò wùzì ek'aèk'ò nìwò ha nùle eyits'ò dò wùzì sadeè nìwò ha nùle. Eyits'ò welò while ts'ò k'àowo gùlì ha.

6 Yak'eet'ìì sets'ò hadì, “Dù yatì sù hotì ehkw'ì họt'e, eyits'ò weghàà aahda ha họt'e. Nòhtsì sù gots'ò K'àowo họt'e, ededì zò wedahxà nakwenàòzòzò gogede họt'e. Whaà-le-t'ìì dàgode ha sù wecheekeè gik'èezò ha nìwò t'à edeyak'eet'ìì nets'ò yùhà họt'e,” sèhdi.

### *Whaà-le-t'ìì Zezì jò ts'ò ade ha*

7 “Kexoahdi, hòt'a whaà-le-t'ìì jò ts'ò ahde ha! Dù enìht'è k'e godì dek'eèht'èè sù hòt'a wek'èè agode ha. Amì dù godì wegga ehkw'ì-ahodù sù wexè sìghà họt'e.”

8 Sù sù John aht'e; eyì weehzì xè weèhk'w'ò họt'e. T'asì hazòò weehzì xè weèhk'w'ò t'axòò yak'eet'ìì eyì hazòò weghàehdaà asìllà sù weghàsòehdi ha wekè gà nàgòihgè. 9 Hanìkò sets'ò hadì, “Hawùdele! Nì eyits'ò nèot'ì nakwenàòzòzò gùlù eyits'ò dò hazòò dù enìht'è weyatì gìgha ehkw'ì-ahodù sù naxìxèht'èè Nòhtsì gha eghàlaehda aht'e. Eyit'à Nòhtsì zò weghàsòidi!” hasèhdi.

10 Eyits'ò hasèhdi, “Eyì enìht'è k'e ayì dek'eèht'èè sù hòt'a whaà-le-t'ìì wek'èè agode ha ne t'à dò ch'à wek'èidi-le. 11 Amì ekò-le eghàlaedaa sù k'èdaà hawet'ì; amì hòlù hohtsù sù k'èdaà hawet'ì. Amì ehkw'ì eghàlaedaa sù k'èdaà hawet'ì, eyits'ò amì degai k'èè edaa sù k'èdaà hawet'è,” hadì.

12 “Kexoahdi, hòt'a whaà-le-t'ìì jò ts'ò ahde ha! Ayì dò ghàehle ha sù edexè k'ehle. Dò dànì eghàlagùdà k'èxa t'asì gìghàehle ha. 13 Yatì t'akwelòò aht'e eyits'ò yatì nòqde aht'e; kèhòòwo gots'ò sehòhòzòzò eyits'ò welò ts'ò sehòhòzòzò aht'e.

14 “Amì edezeè nedèe k'enagũhtsoo sù gixè sìghà hõt'e. Hanì-ıdè eyı ts'ı wet'à ts'eedaa wejjecho ghò shègezhee gıghàhòt'à ha eyıts'ò kògodeè wèdaat'ı sù goyageedèe gıghàhòt'à ha. <sup>15</sup> Hanìkò hoıı-dòò mòht'a geèkw'e ha, ık'òò-gııı-dòò, hoıı k'èè dò k'alagedèe dòò, dò ɛlaàgehdee dòò, nòhtsıà hòèıı ts'ò yagehtı dòò, eyıts'ò hogets'ıı ghageewı dòò, hazòò mòht'a geèkw'e ha.

16 “Sı sù Zezì aht'e. Nòhtsı wecheekeè dı godı gıts'ò anele gha sets'ò yak'eet'ıı nets'ò wıh?à hõt'e. K'àowocho David wets'ıh?òò-dòò aht'e eyıts'ò Dze Wegòò sìyeh,” Zezì hadı.

17 Yedàyeh Nezıı eyıts'ò ts'èko honıda ha sù dı hagedı, “Hèzè, gots'ò anede!” gedı. Amì gogeèkw'òò sù, “Hèzè, gots'ò anede!” gedı welı. Eyıts'ò amì tı ghageewı sù tı wet'à ts'eedaa ts'ò agıde gà t'ası k'èxa-le gıhchi.

18 Kexoahdı! Dò hazòò dı enıht'è k'e nadaà xàyaeti gıkw'oo sù gıts'ò dı haehsı ha: Amì dı enıht'è k'e yatı dek'eèht'èe sù wezòò yatı yeta ayıllà nıdè dı enıht'è k'e hoıla dek'eèht'èe sù t'à Nòhtsı nàyeekwa ha. <sup>19</sup> Eyıts'ò amì dı enıht'è k'e yatı mòhdaa wedè ayıllà nıdè ts'ı wet'à ts'eedaa eyıts'ò kògodeè degı gots'ò t'ası wets'ò ha ılee sù Nòhtsı yeghò naıchi ha. Ts'ı wet'à ts'eedaa eyıts'ò kògodeè sù dı enıht'è k'e wegodı dek'eèht'è hõt'e.

20 Ededı dı godı t'à godee sù dı hadı, “Hèzè, whaà-le-t'ıı jò nèehtıa ha,” hadı. Hèzè, gots'ò K'àowo Zezì, gots'ò anede!

21 Zezì, gots'ò K'àowo, wesonıwòò sù Nòhtsı wets'ò dò hazòò gıxè welè. Amen.

**Nòhtsı Nıhtl'è**  
**Dogrib: Dogrib Genesis & New Testament New**  
**Testament & Portions of Old Testament**

copyright © 2009 Canadian Bible Society

Language: Dogrib

Translation by: Canadian Bible Society

**Tłchq Genesis and New Testament**  
**About Tłchq**

Tłchq (Dogrib) is a Na-Dene (Athabaskan) language. It is spoken by the First Nations Tłchq people in the Northwest Territories in Canada. It has the largest number of speakers of any of the Aboriginal language communities in the NWT, and is one of the official languages of the Northwest Territories.

**About This Translation**

This translation includes the book of Genesis and the New Testament in Tłchq. The first edition of the Tłchq New Testament was published in 2003. It was a historic event, as it was the first time in more than a hundred years that a complete New Testament was published for one of the Dene First Nations in the Territories. The first edition was well received and quickly sold out. In the meantime the book of Genesis had been completed. Consequently, the 2008 reprint of the Tłchq New Testament included Genesis.

Though this translation of the New Testament and Genesis took a total of ten years, the people who worked on it built on years of labor invested by the Tłchq people, elders, priests and missionaries, translators, educators, and linguists. The material contained in this book was checked and approved by consultants from Wycliffe Bible Translators and the Canadian Bible Society.

If you are interested in obtaining a printed copy of this Bible, please contact the Canadian Bible Society at <http://www.biblescanada.com>.

**Copyright Information**

Dogrib Genesis and New Testament © 2003, 2008 Canadian Bible Society

The text of the Bible in Tłchq that appears in this electronic format or website is for personal use only.

Up to five hundred (500) verses of the Bible text in any form (written, visual, electronic or audio) may be quoted without permission. The quoted verses may not be more than 50% of a complete book of the Bible, or more than 25% of the total text of the work in which they are quoted. Prior written

permission must be obtained for any other use of the text. Copyright acknowledgement must in all cases appear on the title or copyright page. For more information on copyright conditions or to apply, visit <http://www.biblesociety.ca/copyright>.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-22

---

PDF generated using Haiola and XeLaTeX on 21 Feb 2024 from source files dated 29 Jan 2022

dccb8cb-87c9-5afe-9ac6-f62c4ade3a81